



Wantok



Isu Namba 2328 Me 09 - 15, 2019 28 pes

Niuspepa Bilong Yumi Ol PNG Stret!

K1 tasol

Is your biggest dream owning your own home?

10% Minimum deposit required

30yrs Maximum Loan Term

Refinancing option is available.

Find out more at one of our branches or visit us at www.kina.com.pg

UNBEATABLE INTEREST RATE

6.95%

Kina Bank Home Loan

Competitive interest rates with outstanding features and benefits to help you get started.

Telephone: +675 308 3800 | Facsimile: +675 308 3899
Email: kina@kina.com.pg Swift KINIPGPG
Terms and conditions apply.

kinabank
together it's possible

Oposisen givim notis bilong Vot i Nogat Bilip

OPOSISEN i givim toksave pepa bilong Vot i Nogat Bilip long Palamen Spika, Job Pomat long Tunde apinun bihain long Palamen kibung.

Oposisen lida i kamapim dispela mosen na bipo Helt Minista na Memba bilong Abau, Sir Puka Temu, i seken-da long dispela mosen.

Dispela mosen em 16 arapela memba long Oposisen tu i sainim.

Ol lain husat i sain em Enga Gavana, Sir Peter Ipatas, Vanimo-Green Memba Belden Namah, Is Sepik Ga-

vana Allan Bird, Isten Hailans Gavana Peter Numu, Kavieng Memba Ian Ling-Stuckey, Angoram Memba Salio Waipo na Madang Memba Bryan Kramer, Nuku Memba Joe Sungi, Maprik Memba John Simon, Saut Bogenvil Memba Timothy Masiu, Komo-Magarima Memba Manasseh Makiba, Esa'ala Steven Davies, Hela Gavana Philip Undialu, Daulo Memba Pogio Gahate, Karamui-Nomane Memba Jeffery Kama, Kerema Memba Richard Mendani.

■ **I go moa long pes 2**



Gutbai pren! Ol dispela pipel i soim pepa i gat ol naispela toktok long soim amamas na tok gutbai tu long taim Twin Otter balus bilong MAF i mekim las ron bilong en long Goroka. **Lukim stori long pes 11.** Foto: Glenys Watson

Gavman i stap strong, O'Neill tok



Pes 2

DOUBLE DATA

Lukim **P7** lo kisim moa toksave!

bmobile **4G LTE**



PNG Air

Yu Gat Sois

Bukim Tiket

7222 2151

Fri Kol: 1611

Onlain Bukim Tiket:
www.pngair.com.pg

Gavman i stap strong, O'Neill tok

PRAIM Minista Peter O'Neill i tok gavman bilong em i stap strong mas-ki ol toktok bilong senisim em na kamapim nupela gavman i kamap long dispela taim.

Em i tok gavman i gat namba na i no seksek long kain kain toktok i kamap.

Em i mekim dispela tok long pres konprens long Tunde apinun bihain long Palamen kibung.

Nesenel Brodkasting Kopresen (NBC) i ripot na tok O'Neill i tok gavman bilong em i redi long go het long ol wok bilong em.

"Gavman bilong mipela i sanap strong na mipela i redi long wok," O'Neill i tok.

"Yu ken lukim we ol kolisen lida olsem ol Gavana bilong Nu Ailan, Sir Julius Chan, Westen Hailans Paias Wingti, Madang Peter Yama na ol Minista olsem William Duma (Pablik Entaprais) na Sam Basil (Fainens) na olgeta arapela biknem lida i soim strong olsem dispela gavman i wok

hat long divelopim dispela kantri.

"Planti ol gutpela wok bilong mipela long helt sekta, edukesen, infrastaksa na ol arapela wok em ol arapela lain i no laik long givim luksave.

"Mi laik tokim yupela stret olsem wok em gavman i kamapim i stap ples kliia na mipela bai go het yet long karimaut dispela ol wok."

O'Neill i tok planti ol tingting nau i wok long kamap gavman i kam long pati bilong em, Pipels Nesenel Kongres (PNC).

Em i tok dispela ol hevi i bilong pati yet na ol i no pas long wok bilong gavman.

Em i sampela memba i laik kamap lida bilong pati hariap na dispela em pati yet bai stretim.

Em i tok PNC i winim 29 sia long 2017 Jeneral Ilekseen na bihain sampela memba i join na mekim namba i go antap.

Em i tok dispela namba nau i go daun gen na stap long 29 bihain long sampela memba i risain long pati



Praim Minista Peter O'Neill.

long las tupela wik.

Nau yet gavman i gat 59 memba na oposisen i gat 50.

"Mi wisim olgeta memba husat i risain long pati gutpela taim long wok bilong ol," O'Neill i tok.

Em i tok tu olsem i no gat wanpela man long pati bilong em, Pipels Nesenel Kongres, long ol i tokaut long em i laik kamap lida bilong pati.

Em i tok ol toktok bilong senisim lida bilong pati bai kamap long 2021 taim em i larim pati i makim nupela lida.

Gavman abrusim vot i Nogat Bilip

GAVMAN i gat inap namba long pasim palamen kibung long dispela taim na surukim kibung i go long 28 Me.

Dispela i mekim Oposisen i no gat taim long kamapim mosen o toktok bilong Vot i Nogat Bilip long painim sapos em i ken rausim Gavman.

Gavman long Tunde apinun kibung i gat 59 memba na Oposien i gat 50 namba tasol.

Gavman i muvim mosen long surukim kibung i go bihain long dispela mun bihain long Praim Minista Peter O'Neill i kisim olgeta 45 minit taim bilong Askim i Nogat Toksave long bekim askim bilong Sedo Tresera na Memba bilong Kavieng, Ian Ling-Stuckey long em i mas risain olsem praim minista bikos em i no menesim gut kantri.

Stuckey i tok O'Neill i mas givim sia long Memba bilong Tari-Pori, James Marape o Deputi Praim Minista na Tresera, Charles Abel

long kisim ples bilong em.

Tasol O'Neill i tok Stuckey i no gat rait long askim em long risain bikos Papua Niugini i makim em long kisim dispela sia.

Dispela em i minim long namba bilong ol memba pati bilong em i winim long 2017 Jeneral Ilekseen.

Aninit long Ogenik Lo bilong Politikal Pati na Kendidet (OLI-PAC) we i tok pati we i winim bikpela namba bilong ol kendidet long ilekseen em Gavana Jeneral bai askim em long kamapim gavman.

Pati bilong O'Neill i winim 29 sia long ilekseen.

O'Neill bihain long palamen kibung i tok tu long pres konprens olsem i no gat wanpela man long pati bilong em, Pipels Nesenel Kongres, long ol i tokaut long em i laik kamap lida bilong pati.

Em i tok ol toktok bilong senisim lida bilong pati bai kamap long 2021 taim em i larim pati i makim nupela lida.

Gavman surukim kibung go long pinis bilong Me

Paul Zuvani i raitim

Gavman i gat namba yet long winim ol mosen long palamen kibung.

Dispela i kamap tru taim em i winim mosen wantaim 59 memba na Oposisen i gat 50 memba long surukim kibung bilong Palamen long Tunde i go long Tunde 28 Me.

Vot i kamap tu bihain long 45 minit bilong Askim i Nogat Toksave taim i pinis.

Nupela lida bilong Gavman Bisnis na Minista bilong Edukesen

na Memba bilong Gumine, Nick Kuman i muvim dispela mosen.

Kuman i tok as bilong dispela mosen em bikos gavman i tok ol wok i no stap gut long dispela taim bihain long sampela ol Minista olsem Minista bilong Fainens, James Marape na Minista bilong Jastis na Atoni Jeneral, Steven Davies i risain long wok bilong ol na i tingting long rausim O'Neill olsem praim minista.

Dispela i lukim planti ol arapela memba long sait bilong Gavman

i lusim sia bilong ol na i go joinim Oposisen.

Em i tok bikos long dispela gavman i nidim taim long bringim bek oda long gavman sistem bipo long ol i ken go het long holim ol palamen kibung. Tasol pastaim long dispela vot i kamap, ol Memba long Oposisen i no amamas na i askim long klak bilong palamen i mas kaunim namba na painimaut sapos dispela mosen i ken go het.

Taim ol i kaunim dispela vot dis-

pela i soim olsem gavman i gat namba long em i ken surukim kibung i go long de em i makim.

Bihain long dispela vot, Kuman i muvim narapela mosen olsem Gavana bilong Sauten Hailans, William Powi na Gavana bilong Hela, Philip Undialu i pinis long kamap memba bilong Pemenent Palamentri Komiti na Memba bilong Mul Baiyer long Westen Hailans, Koi Trappe na Memba bilong Henganofi long Isten Hailans, Robert Atifa i kisim ples bilong ol.

Dispela em Oposisen i tok egens long em tu na wankain vot i kamap na i lukim gavman i win wantaim bikpela namba bilong em, 59 na Oposisen 50.

Oposisen lida, Patrick Pruaitch i no inap muvim mosen long givim toktok bilong em bikos namba wan mosen em Kuman i muvim mosen pinis long pasim palamen kibung na surukim i go long 28 Me. Olsem na tingting bilong Oposisen long kamapim Vot i Nogat Bilip i no inap kamap.

I kam long pes 1

Sedo Minista bilong Jastis na Atoni Jeneral na Memba bilong Sinasina Yonggomugl, Kerenga Kua i tok Oposisen i kamapim dispela mosen bikos Palamen i mas go het long holim ol kibung tasol i pasim ol na surukim kibung i go bihain long dispela mun.

Em i tok opis bilong Spika na Klak bilong Palamen bai skelim dispela mosen na putim i go long opis bilong Palamen Praivet Bisnis Komiti na bihain long dispela em go insait long Semba.

"Dispela mosen i bikpela mosen stret bilong em i kisim laik bilong

kantri," Kua i tok.

"Dispela mosen i kam aninit long Mama Lo na i no aninit long Stending Oda bilong Palamen.

"Bikos long dispela Palamen i mas holim kibung hariap long vot long dispela mosen."

Em i mekim dispela tok bihainim wankain wok i bin kamap taim pastaim Oposisen lida, Don Polye i putim dispela mosen i go long Spika long singautim kibung.

Sapos dispela i orait, palamen i lukim olsem bai singautim kibung long liklik taim bipo long de Gavman i makim long 28 Me long

em i holim gen kibung.

Dispela i kamap bihain long disisen bilong Suprim Kot we Polye i bringim i go long kot long skelim.

Kua i tok tu olsem ol 50 Memba husat i stap long Oposisen nau i sanap strong na wet long kisim moa namba long Gavman sait long rausim O'Neill olsem praim minista.

Long wankain taim Spika, Job Pomat i tok em i kisim pinis notis pepa long Oposisen na bai larim ol wok i bihainim lo long em long singautim Palamen kibung hariap long karimaut dispela vot.



MAY DOMESTIC SEAT SALE

Book Early & save on your travel!

Sale Window: 07th - 16th May 2019
Travel Between: 08th May - 31st July 2019

Air Niugini
www.airniugini.com.pg

Book Online or Call Toll Free on 1803444 or 70143444.
Or visit your nearest Air Niugini Travel Office.

Domestic travel only excluding Manus, direct Rabaul, ex. Mt. Hagen flights. Terms & Conditions apply.



Ol lain bilong opesisen na James Marape i bing long kep Laguna.



O'Neill sutim tok long Somare long UBS dinau

Benorah Carrie Hesehing i raitim

PRAIM Minista, Peter O'Neill i tok wok bilong bekim UBS dinau em hevi bilong Somare gavman tasol gavman bilong em i wok long wok hat long bekim dispela dinau.

Em i mekim dispela tok long bekim askim bilong Memba bilong Nu Ailan, Ian-Ling Stuckey. Ling-Stuckey i tokim em long larim sia bilong Praim Minista i go long narapela memba bilong PNC pati olsem James Marape na Charles Abel.

Mista Ling Stuckey i tok Peter O'Neill i mas lusim sia bilong Praim Minista long narapela lida bikos ol ikonmik polisi bilong gavman bilong em, i no gutpela na i bagarapim na daunim;

Ikonimi bilong kantri na ol pipel i kism hat taim long lukautim sindaun bilong famili.

Bikpela dinau we i i bin stap long

K8 bilien na i go antap long K26 bilien insait long 7-pela yia em i holim gavman.

Samting olsem K1 bilien i lus nating long Oil Search Limited insait long wok bilong bekim UBS dinau na baim 10 pesen sea bilong gavman long Oil Search PNG.

Narapela K400 milien i lus long solwara maining wok.

Samting olsem 120,000 manmeri i lusim wok bilong ol taim ikonimi i pundaun na ol gavman ejensi na kampani i laik daunim namba bilong wok lain na helpim kamapim bai i gat inap mani long go het long bisnis.

Giaman fri helt kea polisi toktok taim prais bilong helt kea na sevis i go antap moa yet.

Gavman i pulap long korapsen na i mekim ol investa i pret long wokim bisnis long kantri.

Mista O'Neill inap lusim sia bilong Praim Minista bikos wanpela lida

bilong Palamen i tokim em long mekim olsem.

"Ol pipel bilong Papua Niugini i makim mi. Ol lida bilong dispela haus i makim mi.

"Mi no inap lusim dispela sia bikos yu tokim mi. Yu husat?" em i tok.

Mista O'Neill i tokim Ling-Stuckey olsem em i laikim gutpela stadi ripot long wanpela grup we politiks i no save go insait long wok bilong em long stadi long ikonimi bilong kantri na givim ripot bai em i ken bilip olsem ikonimi bilong kantri i pundaun na ol pipel i bungim hat taim long lukautim sindaun.

Em i tok em i no bilip long ripot bilong Australia Yunivesti.

"Ol grup olsem ADB, World Bank na International Monetary Fund (IMF) i tok olsem ikonimi bilong kantri i kamap gut na i gat sans bilong go antap 3 i go long 4 pesen long narapela tripela yia i kam," Mista O'Neill i tok.



Ol gavman lain insait long Palamen Semba long Tunde apinun .



For surplus funds
Minimum deposit of K5,000
build your wealth

- TERM DEPOSIT**
- ✓ Lock away excess funds
 - ✓ Protect your savings from impulsive spending
 - ✓ Earn interest and reinvest

UPNG Greduesen kamap gut

Jacklyn Kimala i raitim

YUNIVESITI bilong Papua Niugini i bin holim namba 64 greduesen bilong ol las wik Fraide long Pot Mosbi.

Displea greduesen i bin gat planti politikal toktok tasol greduesen i bin kamap bihainim laik na tingting bilong ol sumatin na ol staf bilong yunivesiti.

Olgeta pipel i bin kamap tu long lukim dispela spesel na impoten de bilong ol sumatin.

Ol famili na wantok i bin kamap bikos ol i bin rispekim greduesen de bilong ol sumatin.

Maski planti salens na hevi

kamap namel long ol sumatin na Edminitresen tasol ol i bin sanap strong long daunim kam inap ol i bin greduet.

Greduesen bilong olgeta sumatin i bin kamap gut long wanem no gat wanpela bagarap i bin kamap long taim bilong greduesen.

Olgeta Deans bilong wan wan Dipatmen i bin stap long givim awot na setifiket long olgeta 1,221 sumatin husat i bin redi long kisim setifiket bilong ol.

Olgeta sumatin i bin amamas long greduet bikos planti bilong ol i bin stap moa long faipela yia, foapela na tripela yia na nau em bikipela de bilong ol.



Olgeta sains na Lo sumatin i bin sindaun na redi long kisim pepa bilong ol insait long UPNG. (Poto Jacklyn Kimala)

Provinsal atoriti mas skruim nesenel sensus

Benorah Carrie Hesehing i raitim

NESENEL Eksekutiv Kaunsil (NEC) i makim Sande, 12 Julai 2020 olsem de bilong nesenel sensus na ol wod rekoda long wan wan wod bai go raun na kauntim ol manmeri na pikinini long hap ples ol i stap long en long dispela de.

NEC i askim tu ol provinsal gavman, edminitresen, LLG presiden na menesa, wod kaunsila na ol wod rekoda long skruim dispela wok long mani na wokman na meri bilong wokim sensus.

Yunaitet Nesen Populesen Fan Ejensi (UNFPA) bai i go pas long dispela wok wantaim Nesenel Statistikal Opis (NSO). Minista bilong

Nesenel Plening, Richard Maru i askim olgeta pablik sevan husat i go pas long dispela projek long yusim gut mani na ol pipel i mas wok gut wantaim ol sensus opisa. Em i askim midia na ol arapela stekholda long skelim tok save bilong nesenel sensus long olgeta manmeri bai ol i ken redi long dispela taim.

NSO bai holim wanpela

trening bung bilong ol provinsal sensus kodineta long Pot Mosbi long redim ol long namba 5 populesen sensus, 2020.

Ekting Sensus Dairekta, Bernard Kiele i tok olsem i gat plen i stap pinis long holim sensus na ol bai inap long kaunim gut ol manmeri.

Praim Minista bai tokaut long 2020 ileksen klostu taim.

Saina projek gat planti bagarap tu

Benorah Carrie Hesehing i raitim

OL rot, bris na ol arapela infrastraksa projek aninit long Saina eid na ol kontrakta bilong ol yet i wokim i gutpela long sait bilong developmen tasol i gat planti bagarap tu i stap.

Wanpela stadi ripot Center for a New American Security grup long Yunaitet Stet ov Amerika (USA) i tok wokim ol infraksta projek Saina gavman i givim na wokim ol olgeta hap long wol i soim olsem ol kantri i kisim eid bilong Saina i save bungim planti bagarap long ikonomi na envairomen.

Sampela bilong ol dispela bagarap em ol i no save sekim gut ol bagarap inap kamap long pipel na envairomen pastaim long kamapim wok. I no planti lokal man na meri i save kisim wok insait long ol dispela projek. Ol infrakstraksa i save bagarap hariap na ol kantri i save bungim hat taim long bekim dinau ol i kisim long kamapim projek.

Plantu kantri long Esia na Afrika i bungim hat taim tru bihain long ol i kisim eid bilong Saina long kamapim infras-

traksa developmen.

Dispela ripot i tok tu olsem China Communist Party (CCP) i sanap baksait long 'One Belt, One Road' polisi bilong Saina gavman. Dispela Komunis Pati i tokaut olsem 'One Belt, One Road' em wanpela rot CCP inap long bihainim long kisim pawa long ol arapela kantri long wol.

Saina i luksave olsem i gat bikipela nid bilong infrastraksa developmen long Esia rijon na ol narapela rijon long wol. Ol i nau yusim dispela rot long olsem ikonomik developmen, na tu ol inap kisim moa pawa.

Ol kantri long Indo-Pasifik rijon nau i luksave long dispela na em i impoten long ol kantri long skelim ol Saina projek long ol eria pastaim long ol i kisim, olsem projek i gat rispek na bihainim gut lo bilong kantri Wok olgeta wok long ai bilong pablik i gat inap mani long kamapim projek gutpela long envairomen na pipel I no inap long kamapim korapsen Beijing siti bilong Saina i holim tu foram bilong 'One Belt, One Road' long Epril, 2019. Praim Minista Peter O'Neill wantaim sampela lida bilong PNG i bin go long dispela bung.

Plantu moa samting long lukim long 2019 AIS

Ol manmeri husat i kamap long 2019 Egrikalsa Inovesen So (AIS) bai lukim na lainim plantu moa nupela aidia long dispela so.

Dispela bikipela egrikalsa so bai kamap long Me 29 na 30 long Bubia, 10 Mail ausait long Lae. Ol wok redi i kamap nau long dispela bikipela so na Nesenel Egrikalsa Risets Institut (NARI) i tok bai em i bikipela na gutpela moa.

Het tok bilong AIS long dispela yia em "Building Climate Resilient Agriculture and Food Systems in Papua New Guinea." Long Tok Pisin bai yumi tok, Kamapim Egrikalsa na ol Kaikai we Klaimet Senis i no inap long bagarapim.

Dispela so em i fri long ol pablik i go lukim. Bai ol pipel i gat sans long lukim ol opisa bilong NARI, ol arapela patna bilong ol, na ol fama grup

i soim wei bilong groim ol kaikai na ol arapela samting bilong wok egrikalsa.

Long dispela tupela de, bai i gat forum we ol bai toktok long polisi bilong gavman bihainim het tok long kamapim egrikalsa na ol kaikai we klaimet senis i no inap long bagarapim.

Astingting bilong dispela forum em long toktok long ol wei bilong yusim ol klaimet smat teknolji long egrikalsa,

luksave long wanem kain ol teknoloji i stap long helpim wok egrikalsa, laipstok, fiseris na akuakalsa, long taim bilong senis i kamap long klaimet.

Ol saintis, bisnis haus, ol tisa bilong ol yunivesiti, ol ovasis developmen patna, na ol wokman bilong ol han bilong gavman, bai kamap na toktok long wok bilong ol na olsem wanem ol i ken wok bung.



STRONGIM KRISTEN BILIP: OL Katolik bisop bilong Papua Niugini na Solomon Ailan i bung gen long enuel jeneral miting (AGM) bilong ol. Het tok bilong kibung bilong dispela yia em long wok dispela strongim ol bilip manmeri. Poto i soim ol bisop i bung long miting bilong ol long het opis bilong CBC long Pot Mosbi long dispela wik. Kibung i stat long las wik Trinde na i pinis long tude. Poto: CBC midia

Gutpela intanet sevis bai skruim onlain data sistem

Benorah Carrie Hesehing i raitim

EDUKESAN DIPATMEN i tokaut long nupela onlain sistem bilong kisim infomesen bilong ol sumatin long olgeta praimer na haiskul, bai i gat gutpela rekot long Dipatmen ejensi na skul na mekim isi long Dipatmen long lukautim gut skul.

Dipatmen i holim wanpela 1 wik woksop long givim trening long olgeta provinsal edukesen supavaisa, bai ol i ken klia gut long dispela sistem na trening ol het tisa na administresen bilong ol wan wan skul long provins long yusim sistem long putim infomesen bilong wan wan sumatin.

Wantok Niuspepa i toktok long foapela supavaisa, gret 8 level we i makim wan wan rijon long kantri, long ol salens ol inap bungim long taim

bilong givim trening. Ol i tok wanpela bikpela hevi we bai holim bek ol long givim gut trening long ol tisa na administresen bilong ol skul em i no gat gutpela intenet sevis.

Ol i tok tu olsem, em bai kisim longpela taim liklik long holim trening long ol provins bikos planti skul i stap longwe tumas long taun na siti, na ol bai yusim moa mani na taim long kamap long ol dispela long ol skul na givim trening. Sampela ol het tisa i no klia tumas long yusim kompyuta na dispela tu inap kisim planti taim tumas long ol i putim olgeta rekot bilong ol sumatin long onlain data sistem.

Long wankain taim, ol i tok tu olsem onlain sistem em i gutpela bikos em bai helpim ol skul na Dipatmen long save gut long hamas sumatin i stap long wan wan skul long kantri na wokim gutpela plen bai olgeta skul i ken kisim gut

sevis long inapim olgeta sumatin.

Minista bilong Edukesen, Nick Kuman i tok onlain data sistem bai tokim Dipatmen tru long hamas skul na tisa i stap long kantri. Ol i save bungim hevi bilong planti giaman skul na tisa na lusim planti mani nating. Dispela sistem bai helpim Dipatmen gut tru na tu helpim ol long i gat gutpela rekot na givim gutpela sevis long olgeta skul.

Em i tok tu olsem Dipatmen i save lusim K3 bilien long baim ol tisa we gavman inap long yusim dispela mani long kamapim ol arapela developmen long kantri. Onlain sistem bai helpim ol i luksave long hamas tisa i wok tru olsem tisa na baim ol na daunim hevi bilong lusim mani nating long ol tisa i no stap long skul na kisim pe nating.



Treina/fasiliteta bilong DREAM program Fredinand Aimatuk i sanap fran long lephan na givim sampela stia tok long ol lain Jolly Foniks tisa long Madang las wiken.

50pela Madang Jolly Foniks tisa kamap long DREAM woksop

James G. Kila i raitim

KLOSTU olsem 50 treina husat i save givim skul long Jolly Foniks i bin bung las wiken long Madang provins long stap long wanpela spesel trening woksop ol i kolim DREAM.

Dispela woksop i lukim ol tisa husat i save tism Jolly Foniks na i bin kisim trening pastaim aninit long Phils Jolly Lening Senta i bin bung. Ol dispela treina i bin kam olsem long Karkar, Basken long Sumgilbar LLG long Sumkar distrik, Malala na Ulingan long Almami LLG long Bogia, Ono na Sanuai long Usino LLG na Tangu long Bogia.;

Wanpela speselis treina bilong Phils Jolly Foniks, Bonita Amepou i tokim Wantok Niuspepa olsem dispela ol 50 lain husat i bin stap long DREAM program woksop long las wiken em ol komyuniti eduketa na bikos ol i kisim trening pastaim long Phils Jolly Foniks ol i bin askim ol long stap insait long dispela woksop.?

Jolly Foniks em spesel edukesen ol tisa i save skulim ol liklik pikinini o sumatin long save long kolim

ol nupela wod yusim saun o toktok. Foniks em wanpela gutpela rot nau planti ol skul long PNG i wok long skulim ol pikinini long kolim ol wod na planti i lainim gut tru ol wod na save kolim.

Ol lain tisa husat i bin stap long dispela DREAM trening woksop i bin amamas tru long wanem ol gutpela samting ol i bin lainim.

Wanpela komyuniti lida bilong Ono, John Kotty, husat i bringim ol treina bilong em long stap insait long dispela woksop i tok amamas long ol fasiliteta na ol lain i givim trening bikos em i tok Jolly Foniks i helpim gut tru ol liklik pikinini long harim ol wod o toktok ol tisa i kolim na ol i save bihainim gut stret long lainim ol nupela samting.

Mis Amepou i tok olsem dispela trening em wanpela fasiliteta o speselis treina Fredinand Aimatuk i bin go pas long ronim na i bin stat long las wik Fraide na pinis long Sande.

Em i tok bikpela as-tingting bilong dispela trening woksop em long trenim ol lain tisa bilong Jolly Foniks long painimaut stret wanem mining tru

bilong laip bilong ol wan wan na wanem kain rot ol i ken yusim long painimaut ol lidasip kwaliti ol wan wan i gat long laip bilong ol.

Mis Amepou i tokaut long mining bilong dispela wod DREAM olsem 'D' em driven pepos o wanem samting bai draivim long paininim mining tru long laip bilong yu wan wan. 'R' em rilesensip na 'E' em ol eksperienses na 'A' em atitud o pasin yu mas gat o bihainim na 'M' em misin o wanem wokabaut bai yu go long en long kamap wantaim mining tru long laip bilong yu.

Mista Amepou i tokaut olsem dispela woksop long las wiken i givim gutpela skul na tu i opim tingting bilong ol treina husat i kam long ol wan wan eria long Madang provins long save gut long wanem mining bilong laip bilong ol wan wan.

Em i tok olsem planti long ol dispela treina i tokaut bihain long trening woksop olsem ol i bilip olsem wantaim wanem save ol i bin kisim, ol bai kamapim planti gutpela wok insait long wan wan komyuniti na sosaiti ol i stap long en.

UPNG makim VC tru

Benorah Carrie Hesehing i raitim

YUNIVESITI ov Papua Niugini (UPNG) i makim Profesa Frank Griffin olsem nupela Vais Sansela bilong Yunivesiti bihainim tok orait bilong Nesenel Eksekutiv Kaunsil (NEC) long Nesenel Gaset namba 342 long 30 Epril 2019.

I bin i gat planti pulim taitim i kamap namel long administresen na National Academic Staff Association (NASA) bilong UPNG, long ol rot gavman i bihainim long makim ol wasman kaunsil bilong Yunivesiti.

Sansela Robert Igara i tokaut olsem dispela disisen bilong NEC i rausim ol pastaim ekting VC bilong Yunivesiti na i makim Profesa Griffin long holim tru dispela posisen.

Wantok Niuspepa i bin stap long dispela bung bi-

long midia na Yunivesiti, na i lukim olsem Profesa Kenneth Sumbuk, husat i bin lukautim sia bilong Vais Sensela long Yuniveisti i no bin stap long bung bilong makim nupela VC.

Dispela pepa i kisim tok olsem Profesa Sumbuk i stap yet long opis bilong VC long taim Yunivesiti i makim Profesa Griffin olsem VC bilong Yunivesiti bihainim long planti ekting VC i lukautim dispela opis.

Dipatmen bilong Haia Edukesen, Risets Saiens na Teknoloji (DHERST), aninit long lidasip bilong Minista Pila Niningi i makim Profesa Sumbuk olsem ekting VC long 22 Janueri, 2019. Dispela ekting VC kontrak i stat long 22 Janueri taim ol i makim Sumbuk i go inap 12-pela mun, o taim Yunivesiti i makim Vais Sensela tru. Profesa Sumbuk na ol arapela wasman kaunsil mem-

ba bilong Yunivesiti i kisim wanpela yia kontrak long lukautim ol administresen wok bilong yunivesiti inap yuniveisit i makim ol nupela opisa long lukautim skul.

Sansela Igara i tok amamas long Profesa Griffin olsem nupel Vais Sansela bilong Yuniveisti na askim olgeta wokman na meri long yunivesti long givim wankain sapot ol i save givim long ol VC bipo long lukautim Yuniviesiti.

Long wankain taim, Profesa Griffin i tok namba wan samting em i laik mekim long Yunivesiti em long stretim ol hevi na skul i ken ran gut.

Wanpela bilong ol dispela samting em long putim bek Studen Representiv Kaunsil (SRC), we Yunivesiti i bin rausim bihainim long ol sumatin i stopim skul 8-pela wik, long senisim gavman long yia 2016.

PHONES AGAINST CORRUPTION

Combating corruption is everyone's business

Report corruption by texting Digicel# 16321

Do not let corruption stop the development of Papua New Guinea

Department of Finance Internal Audit & Compliance Division
Phone: 79986000 Extension: 8206
www.phonesagainstcorruption.org

Say "NO" to Corruption!

Text 16321

- > Simple
- > Free SMS
- > Anonymous

Sivil Sosaiti mas Wok wantaim Gavman

TIPNG i bin holim impoten bung wantaim Sivil Sosaiti Ogenaisesen (CSO) Ko-Sia bilong dispela Open Gavman Patnasip, wantaim Dipatmen bilong Nesanel Plening long las wik long Pot Mosbi.

Dispela bung i bin kamap long tokaut long wok bilong CSOs insai long PNG. Na dispela em gutpela bilong ol Komyuniti Grup na Sivil Sosaiti Ogenaisesen (CSO) wok klostu wantaim na wantaim ol Stet long mekim ol Gavman long luksave long pipel na givim gutpela sevis, Transperensi Intenesenel PNG (TIPNG) i tok.

TIPNG kondinetim dispela CSO bung na givim nupela ripot long wok bilong CSO.

Ol lain husat i bin kamap long bung em; wanpela wokman bilong The Voice Inc., Oxfam PNG, Goroka Distrik Opis na ol PNG Forest Certification Inc, husat i bin bung wantaim long kamapim gutpela stia tingting long Papua

Niugini Nesanel Eksen Plen 2018-2020, las yia.

Wanpeka stia tingting bilong ol lain husat i bin kamap long bung em long strongim CSO wantaim ol LLGs na Distrik Opis insait long provins long mekim olgeta sitisen i mas kisim gutpela infomesen olsem ol nidim long skruim gutpela open na trensparensi gavman.

Dispela OGP em global tingting kain olsem 70 kantri i bin sainim long opim rot bilong gavman long ol sitisen na bringim gutpela ol sevis i go long provins. Na em wanpela samting i bihainim TIPNG misin long tok save na givim moa pawa long ol sitisen long paiti egens korapsen.

Twelvpela gavman dipatmen na ten CSOs, husat i kam long PNG Steering Komiti, olgeta i kamap long taim bilong kamapim NAP insait long Februeri 2016. Dispela Komiti bung i bin

ko-sia bilong ol PNG Dipatmen bilong Nesanel Plening na Monitering makim maus bilong gavman na Transperensi Intenesenel PNG (TIPNG) long makim makim maus bilong sivil sosaiti.

Aninit long OGP NAP, PNG i sainim foapela komitmen long NAP: Pablik wok, Freedom bilong Infomesen, Fiskol Transperensi na Ekstraktiv Risos Transperensi.

CSO bai lukautim dispela stia tingting bilong agrimen long NAP na i bin stap insait long kamapim namba tu eksen plen i go inap long pinis bilong en bilong namba wan implementesen yia.

Dispela bung i wankain olsem bung long Desemba 2018, we TIPNG i bin givim nupela ripot long wok bilong CSO network long taim bilong sapatim ol OGP NAP bilong NEC. Dispela bung i bin bungim ol lain bilong PNG Kaunsil ov Sios, ol Ginigoda Faudesen na ol Ekuel Pilai Fil Program.



TIPNG Eksekutiv Dairekta, Arianne Kassman i bin toktok long Sivil Sosaiti lain husat i bin makim wan wan hap na kamap long bung bilong OGP CSO long tokaut long ol nupela ripot.



Tupela strongpela sinia sigi man bilong NFS get long Pot Mosbi. (Poto Jacklyn Kimala)

Hatwok na bai yu kaikai, no gat samting i fri

Jacklyn Kimala i raitim

TUPELA sigi man bilong Nesanel Futbol Stadium i bin sanap long geit las wiken long Pot Mosbi.

Maski ren wasim mi na san kukim mi, wok sekyuriti i mas go yet long wanem no gat wanpela samting em fri long dispela graun," Wanpela sigi man i tok.

Maski gutpela wok o nogut wok, em wok mani tasol inait long siti laip.

"Mipela i save lukautim geit na putim ai long husat ol pilai laik pilai na kam insait long fil tasol olgeta tim na sapota i mas baim geit long kam insait lukim gem," wanpela sigi man i tok.

Em i tok planti taim ol i sanap long ol i save lukim wantok o poroman i laik lukim gem na go insait go nating tasol dispela em korapsen.

Em i tok olsem na maski poroman o meri olgeta em wankain tasol, ol i mas baim geit sapos nogat bai ol sekyuriti i save kisim nem nogut.

Dispela wok em gutpela long wanem sapos ol stap nating ol bai nogat mani o sampela samting we ol i save kisim taim ol wok sigi.

Tupela i tok planti taim ol i save pait long geit tasol ol manmeri i no save harim tok, dispela i save bagarapim wok de bilong ol.

Tasol planti bilong ol manmeri husat i laik lukim gem na kam insait ol i save baim get na kam insait o sapos ol i laik lukim Digicel Kap olgeta i save gat pas bilong lukim gem.

Wok tulait, nait em stap insait long blut bilong ol pinis na ol i no save wari long wanem em wok kaikai, bilong ol long siti.

PNGDF Komanda kisim Diploma

Jacklyn Kimala i raitim

OL 10-pela sumatin i bin greduet long kisim Diploma bilong Lo na Prosekusen pepa long Yunivesiti bilong PNG long las wik Fraide long Pot Mosbi.

Namel long ol 10-pela i bin gat wanpela Difens Fos opisa, tupela polis meri na wanpela CIS opisa wantaim ol arapela sikispela.

Saiden na Trening Komanda bilong PNGDF Gairo Kapi i bin wanpela Difens opisa husat i bin greduet wantaim Diploma bilong Lo na Prosekusen.

Mista Kapi i bilong Sentral provins long Aroma na em i bin joinim Difens Fos long 1991 inap fos 27 yia olgeta.

Mista Kapi i bin pinisim gret 10 long 1990 na i bin joinim fos long 1991. Bihain

long dispela em i bin lukautim lo na oda olsem difens fos inap 10-pela yia. Na em i bin tingting long go het long stadi wantaim Metrolien program long NCDC Kempas long 2008.

Bihain long em i bin pinisim Metrolien program long 2010, em i bin putim pepa gen long UPNG long kisim diploma bilong Lo na Prosekusen intenel na ol i bin

kisim em long stadi.

Tasol em i bin gat hevi long skul fi na i bin lusim na wok gen inap em yet i bin baim skul fi na statim skul gen long 2018 na nau 2019 em greduet wantaim amamas.

Em i amamas long kisim dispela diploma program na go bek long dipatmen bilong em yet na serim wantaim ol arapela Difens Fos opisa.



Ol 10-pela sumatin husat i bin greduet na kisim Diploma bilong Lo na Prosekusen las wik Faide long UPNG. (Poto Jacklyn Kimala)

PHA wokbung long skruim CHW trening

NU Ailan Provinsal Helt Atoriti (PHA) i go het long wokbung wantaim Newcrest Mining na Kavieng Provinsal haus sik na givim moa trening long ol Komyuniti Helt Woka(CHW) bai ol inap long helpim gut ol mama na bebi long taim bilong karim.

Long dispela yia, ol 7-pela CHW i stap insait long dispela trening. Stewart Banai em wanpela bilong ol lokal CHW kisim trening aninit long dispela wokbung.

Em i save soim bikpela amamas tru long yusim save em i kisim long dispela trening, na helpim gut ol mama na bebi bilong ol long provins.

Everline Mogola, wanpela dokta bilong tit long Kavieng Haus sik i tok hatwok Stewart na ol wanwok bilong em i save mekim helpim gut tru ol mama na bebi bilong ol long ol komyuniti we i no gat ol dokta na midwaiv i stap klostu.

Dokta Mogola i tok em i save helpim ol mama we i bungim bikpela hevi, olsem bebi i slip kranksi long taim bilong karim.

"Mi kalap nogut long lukim olsem Mista Banai inap long stretim gut bebi na mekim

isi long mama i karim bebi we i no inap kisim painim bagarap long taim bilong karim," em i tok.

Em i tok ol CHW em ol namba wan lain long komyuniti long helpim ol mama na pikinini long taim bilong karim. Dispela trening bilong apim mak bilong save ol CHW i helpim ol gut tru long givim gutpela helt kea sevis long ol mama na bebi na ol i no ken dai.

"Wok CHW Banai i mekim, i soim tru geta CHW i save mekim," Kelly Taureka, Eksekutiv Menesa bilong Newcrest PNG i tok.

"Mipela i tok amamas long Mista Banai long strong na gutpela tingting bilong mekim wok hariap em i gat, na mekim kain wok olsem long imejensi.

"Ol dispela kain stori i mekim mipela i amamas long go het long skruim dispela gutpela trening Kavieng Haus sik i save givim. Em i wanpela rot we Newcrest i putim mani long skruim helt na edukesen long kantri," Mista Taureka i tok.

Taim dispela trening i stat long yia 2017, ol 19 CHW i kisim trening na i save yusim dispela save long helpim ol mama na bebi.



Stewart Banai, (namba 3 long lep han) wantaim ol arapela CHW na ol wokman na meri bilong Newcrest na Kavieng Haus sik bihain long ol i greduet long Edvens Meteniti Kea long yia 2017. Foto: Newcrest PNG

Bikpela bung bilong ol nes bai kamap long Kundiawa

Bikpela bung bilong ol nes long Papua Niuugini bai kamap long Kundiawa, Simbu provins long 17 i go inap 20 Septemba.

Dispela Nesanel Nes Risets Simposium i askim ol nes nau long tok save long wanem kain toktok ol bai mekim long dispela bung. Het tok bilong dispela yia em, "Nurses a voice to lead prevention of communicable and non-communicable diseases." Long Tok Pisin bai yumi tok, ol nes i maus bilong go pas long

stopim ol sik.

Tok save bilong dispela simposium i tok husatwa, laik givim toktok bilong em long dispela bung i mas salim sotpela hap toktok i go kamap long ol ogenaisa bipo long 28 Jun. Ol pepa i mas bihainim het tok bilong dispela simposium.

Rejistresen bilong dispela simposium i op nau na ol memba bai baim K200, ol lain i no memba K300 na ol studen K150. Rejistresen tu bai as long 28 Jun. Ol lain hubai i leit long rejistresen bai mas baim K50 fi.

DOUBLE DATA

Sabskrab lo wanpela **bmobile** data plan tete, na kisim **DOUBLE DATA FREE!**

...inap long **15GBs** lo **FREE** bonus data!

Hariap, displa double data ofa bai stap inap long liklik taim tasol!

76003555/1555 or for 4GLTE call 1500
connect@bmobile.com.pg
facebook.com/Bmobile4GLTE
www.bmobile.com.pg

Taim bilong ol Twin Otter long Goroka i pinis

Mandy Glass
Communications
Officer MAF PNG

TRINDE, 1 Me, i makim las de bilong ol Twin Otters bilong MAF long Goroka. Olgeta lain i sori tru long taim P2-MFB i mekim las ran bilong en long ol liklik ples balus.

Em i taim bilong pre long ol dispela komyuniti na mekim ol i luksave olsem MAF no lusim tingting long ol. Mipela i plen long putim ol tupela C208s balus long Goroka we ol bai mekim planti ran i go long ol komyuniti. Mipela i tok save olsem bai balus i no inap karim planti kago, tasol MAF bai i mekim o wok bilog sevim ol komyuniti long ol yia i kam biain. Ol pilot long Goroka i stat long trening nau long dispela wik na redi long senisim ol balus. Na ol komyuniti bai lukim MAF long Goroka na Madang i yusim ol Cessna Caravan long pundaun long ol ples balus bilong ol!

Dispela em i plen bilong MAF PNG long sensim ol balus na yusim wanpela kain balus tasol, ol Cessna Caravan 208.

Long ol yia i kam inap nau, MAF PNG i bin bungim bikpela salens tru long yusim lukim olsem ol kain kain balus bilong en (C208s, GA8s, Twin Otters) i wok gut oltaim. MAF em i wanpela liklik balus opereta, na wok bilong lukautim kain kain balus em i bikpela hatwok tru bikos ol balus i narakain na ol i yusim narakain fiul na ol pats na ol ensinia i mas kisim trening long lukautim tripela kain balus.

"Long ol yia i go pinis, mipela i save mentenim samting olsem 51 pesen bilong ol balus bilong mipela long wan wan de," Todd Aebischer, Kantri Dairekta bilong MAF PNG i tok.

"Em i soim olsem mipela i givim sevis long 200+ ples balus, wantaim 5-6 balus long wanpela de. Ol dispela balus i save mekim 40 raun bilong ol long wanpela de. Dispela i givim bikpela salens tu long lukim olsem ol balus i wok gut

na narapela bikpela salens em kost bilong ranim ol dispela balus."

Long las tenpela yia, MAF PNG i wok long isi isi long kamapim moa wok wantaim ol Cessna Caravan. Dispela balus i operet nau long 95 pesen bilong ol 230 liklik ples balus long bus – planti bilong ol i stap arere long ol maunten. MAF i baim sikkispela nupela Caravan turboprops, na bai ol i joinim tripela kain balus olsem long PNG na bai MAF i gat wanpela kain balus tasol, ol Caravan.

MAF International i spendim bikpela mani long baim ol dispela nupela balus long histori bilong en long wol long stat bilong 1945 i kam inap nau. Long pinis bilong 2019, MAF PNG bai gat 9-pela Cessna Caravan, i gat ol nupela avionics / technology. Tupela bilong ol 5-pela nupela Caravan i kalapim Pasifik pinis long taim ol i lusim ples we ol i wokim ol dispela balus long USA. Ol i kam kamap long Asia Pacific mentenens fasiliti bilong MAF long Mareeba, QLD, Australia we ol bai mekim sampela apgred long mak bilong MAF pastaim na bai rejista long PNG. Namba tri nupela Caravan bai kamap long Kagamuga Airport long neks wik, na las Caravan bai kamap long mun Septemba long dispela yia. Dispela bai namba 9 Caravan bilong MAF.

"MAF PNG i bihainim pasin bilong ol smatpela balus sevis long wol, long taim em i mekim dispela senis long flaim wanpela kain balus tasol. Dispela lain Cessna Caravan, bai mekim isi long trening bilong ol pilot bilong mipela, na wok bilong mentenens tu bai kamap isi," Aebischer i tok.

"Dispela bai mekim isi tu long planti balus bilong mipela i flai olgeta de na givim sevis long ol komyuniti na ol patna mipela i sevim."



Las raun bilong dispela Twin Otto na ol pipel i sori na tok gutbai.



Ol pipel i bung long tok gutbai long taim ol Twin Otter i mekim las ran long Goroka.



Ol Twin Otter i givim bikpela sevis long ol liklik ples balus long kantri.



Las ran bilong Twin Otter na ol pipel i tok tenkyu long Kepten Greg Falland na Fes Opisa Glenys Watson. Ol Poto: *Glenys Watson*



Sampela lain i sori na tok gutbai long dispela Twin Otter long Goroka.



Wantok Komentri

Sevis em i impoten long laip bilong ol pipel long ol longwe ples

LONG Tunde, planti skul long Pot Mosbi i bin pas na ol pikinini i stap long haus. Papamama i tokim ol long stap long haus bikos ol pret nogut trabel i kamap long taim palamen i bung na toktok long dispela vot i no gat bilip.

Oltaim wanpela bikipela samting i kamap long Mosbi we inap long kamapim trabel, bai ol skul i pas na ol pikinini i stap long haus. Dispela pasin i nogut bikos em i stopim raits bilong pikinini long go skul. Ol pikinini i mas pilim seif na fri long wokabaut i go long skul na kam bek long haus. Em i no mas pilim pret na tingting planti long laip bilong em.

Dispela bung bilong palamen long kampim vot i no gat bilip, bai i wet inap tripela wik moa bikos gavman i stopim miting na surukim i go bek long 28 Me. Gavman i gat moa memba olsem na ol i win long stopim palamen. Tasol planti pipel bilong PNG i wok long askim nau, sapos gavman i gat inap memba long winim vot i no gat bilip, watpo na ol i stopim palamen long kibung bilong en? Watpo na ol i surukim taim i go long tripela wik?

Ol pipel bilong PNG i no stap long tudak. Ol i save olsem dispela em i politikis tasol long senisim gavman. I gat planti moa impoten samting ol i laik gavman i mas lukluk long en long taim palamen i bung. Ol i laik harim memba bilong ol i mekim wanem kain askim long plua bilong palamen.

I gat planti moa bikipela hevi em ol pipel bilong PNG i laik gavman i mas luksave na helpim long stretim. Ol ples i stap longwe tru i save pilim bikipela pen tru long kisim sikman o kago bilong ol, o ol skul na helt saplai bikos i no gat rot. Ol i save strong long sevis bilong ol liklik balus olsem MAF long givim dispela



impoten sevis long ol. Long dispela wik, MAF i tok gutbai long ol Twin Otter balus bilong en husat i mekim bikipela wok tru long ol sevim ol pipel long ol ples longwe tru. Long Goroka sampela lain i mekim haus kra, bikos planti bilong ol i lukim sevis ol dispela balus i bringim long laip bilong ol.

Dispela kain ol sevis i impoten long laip bilong ol pipel. Ol i no wari long husat i bosim

gavman tude o tumora. Ol i nidim ol besik sevis na em i wok bilong gavman long stretim wari bilong ol. Planti taim i sios grup i save mekim dispela marimari sevis bilong helpim ol pipel long ol ples i stap longwe tru. Yumi luksave na tok tenkyu long ol. Orait, gavman i mas opimim dispela sios-patnasip program bilong en i go tu long ol lain i bringim sevis olsem balus o sip long helpim ol pipel long ol

longwe ples husat i no gat arapela rot long kisim helpim.

Skelim ol dispela samting gut long taim yumi toktok long divelopmen long kantri. Laip na sindaun bilong ol pipel i bikipela samting. Mobeta ol lida i no mas larim lait bilong siti na ol dakglas kar na kolwin opis i pasim tingting bilong ol na givim baksait long ol nid bilong ol pipel long ples.

Ol pipel i tok gutbai long wanpela gutpela pren



Yumi ol pipel bilong PNG i no save sem long soim wari bilong yumi. Long taim man i dai ol wanpela gutpela pren i lusim yumi, bai yumi wari na kra long soim olsem yumi sori.

Na dispela pasin bilong soim sori i no go long ol

manmeri tasol, nogat. Las wik sampela ples longwe i soim kain pasin olsem long taim Twin Otter balus bilong MAF i mekim las raun bilong em long Goroka i go long ol ples bilong ol. MAF i senisim ol Twin Otter na

nau bai em i yusim wanpela kain balus tasol ol i kolim Cessna Caravan long olgeta wok bilong en insait long PNG.

Long taim Twin Otter i mekim las ran bilong en, planti lain i sori bikos ples bilong ol i stap longwe tru

na ol i lukim dispela balus olsem wanpela pren husat i save helpim ol long taim ol i sik o i nidim transpot long karim kago bilong ol.

Ol dispela poto i soim ol pipel i tok gutbai long dispela gutpela pren.

Autim Tingting...

Viles kot wokman i no gat pe

Dia Edita,

Mi laik autim wari bilong mi. Mi wanpela viles kot wokman na mi no kisim pe long foapela yia olgeta. Sampela ol i wet stap na indai pinis. Na hevi bilong ol dispela man, husat bai i kisim, mi no save. Dipatmen bilong Jastis bilong mipela i mas givim hariap bikos planti opisa ol i dai nating. Em tasol wari bilong mi.

Mote Wapeia, NIP Viles Kot Maun Hagen

Prais bilong kakao, kopi i no kam gut

Dia Edita,

OL keskrop bilong mipela long Is Sepik i no orait tumas. Long mipela long Sentral Sepik na Maprik i save lukautim sindaun bilong mipela long mani bilong wanpela keskrop tasol em Vanila. Mi laik mekim wanpela singaut i go long ol lain i save baim Vanila long lukluk na apim prais bilong vanila i go antap long K1000 wanpela kilo o moa. Mi wanpela man i save baim Vanila long Sentral Sepik.

Ben Owinda Dreikir, Is Sepik

Mul-Baiyer MP mekim wantok sistem

Dia Edita,

Mi laik autim komplem bilong mi olsem Memba bilong Mul-Baiyer Koi Trape wok long mekim wantok sistem. Em i

karim sevis i go long Baiyer tasol na Mul i no kisim wanpela sevis. Long taim Sani Rambai i stap olsem memba, em i save givim sevis long tupela distrik wantaim.

Tenkyu long Phone Aganist Corruption kempen

Tenkyu long yupela karim

Francis, Madang

Sapos yu gat sampela toktok o tingting, yu ken salim sms teks i kam long dispela digicel namba: **71845906** na bai mipela i putim long niuspepa.



Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500
Fax: (675) 325 2579

Email: editorial@wantok.com.pg

Pe bilong wanpela yia
52 niuspepa

Ples:	Air:
PNG	K 230.00
AUSTRALIA	US\$120.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Frieda Sila Kana

Printed and Published at:
Dove Travel Building, Level 2, Section 24, Lot 25,
Angau Drive/ Lahara Avenue Junction, Boroko

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Rikonsiliesen lotu pinisim belhevi



Wanpela lotu we bipo i bin kamap long ELC long Vanimo, Wes Sepik.

Joyce Huanjo i raitim
LIKLIK lain Luteran Komyuniti long Vanimo, Wes Sepik i bin bung long Waraston Luteran Sios long Sande I go pinis na holim wanbel lotu long kamapim belisi gen.

Dispela em bihain long sampela hevi I kamap

namel long ol ol hauslain yet long Waraston.

Displa rikonsiliesen sevis i bungim Waraston Kongriksen we Kalvari, St. Jahya, Waraston na Sera Disasta eria.

Displa em namba tri rekonsiliesen we tupela i bin kamap pastaim namel long ol yet ausait long haus lotu na i no bin

kamapim wanbel trutru.

Long dispela taim Pasto Timothy Luke husait i stap olsem man i lukautim Misin Desk i singautim ol hetman na ol meri bilong ol wantaim tu ol pasto na meri bilong ol wanwan long i go long alta na soim pasin sekan na kamapim wanbel.

Displa i kamap long ai bi-

long planti kongriksen Memba husat i kamap long dispela taim.

Long dispela taim tu Pasto Luke i tok strong long ol i mas stap wanbel na mekim wok sios.

Em i tok olsem devil i man bilong kamapim bruk pasin pait na kros tasol Jisas yet i kam long bungim dispela ol rot we i

stap long brukim famili.

Em i tok tu olsem wok i stap antap long ol hetman na pasto na bruk pasin na tu bel i save bagarapim wok.

Bikpela amamas i bin kamap wantaim Holi Komyunion na bihain long lotu i gat ol toktok bilong wan wan Kongriksen long makim de.

Morobe meri salensim yangpela long lukautim laip

Joyce Huanjo i raitim

WANPELA meri bilong ples Neyaukono long hap bilong Wes Sepik Provins i salensim ol yangpela manmeri long yusim gut laip bilong ol long dispela taim.

Martha Jeheida i namba wan meri long lusim ples bilong em we i stap long boda tasol i go skul long Stang Girls skul long Morobe Provins.

Bihain long em i pinisim skul em i go bek long surukim skul long laip bilong ol pipel insait long tok long God.

Insait long wanpela Baibel stadi Martha i mekim aninit long het tok "Laip i wanem samting."

Martha i tokim ol pipel long St. Jahya Lutheran Kongriksen long ol i mas yusim laip gut long

wanem em i wanpela blesing i kam long God.

Em i tokim ol pipel long ol i no ken wari na tingting planti long laip bilong graun long wanem displa inap pulim yu i go longwe long God.

Em i tok moa olsem telepon na mani i gat gutpela na nogut bilong em we nau kantri i bungim planti hevi bikos pipel i yusim ol dispela blesing long mekim ol kankain pasin nogut.

Martha i tok moa yet olsem planti marit i bruk na bagarap na planti moa pikinini i painim hevi.

Martha i skulim ol long save olsem bodi em i haus holi blong God na manmeri i bagarapim tru long dring spak na mekim ol kain pamuk pasin we i bagarapim tru laip.

ELC-PNG wok misin eria gat bikpela wok

Joyce Huanjo i raitim

OL wok misin eria bilong Luteran Sios bilong Papua Nuigini i gat bikpela wok long mekim.

Wok misin eria em ol ples we i gat liklik Luteran Komyuniti tasol husat i save bung na mekim lotu na ranim ol arapela program bilong sios olsem Sande Skul, yut na meri.

Ol wok misin eria bilong Luteran sios i lukim Vanimo, Wewak, Manus, Milen Be, Popodenta na ol arapela hap we i gat Luteran bilip manmeri i stap long en.

Long wanpela wokabout we Luteran Komyunikesen i mekim wantaim Direkta na Pasto i go pas long Misin Des, Pasto Timothy Luke, bihain long foapela krismas i go long Vanimo, ol het man na pasto i tokaut olsem

ol i no sanap strong yet na i gat longpela rot i stap yet

Ol pasto na hetman i tokaut olsem Sios distrik i lukautim ol i no save go lukim na toktok wantaim ol moa long planti krismas na planti ol program bilong meri, yut na Sande skul i ran long wanem liklik save ol i gat long em.

Ivanjelis Yaing Joseph husat i wok Sera long hap blong Aitape i strongim tok na singaut long het opis bilong Luteran Sios long Ampo, Lae long ol i mas salim planti wok manmeri long ranim ol trening long sait bilong ol program.

Ivanjelis Yaing i tok ol i no sanap strong yet na taim ol pasto i lusim ol na go sios inap pundaun.

Em i tok long kirapim gen, dispela bai kisim longpela taim gen.

Em i tok bikpela salens i stap tu long ol kain ples we pipel i stap long pasin na tumbuna bilip na wokman i mas gat stongpela bilip na redi long karim pen na hevi na mekim wok.

I gat tu hevi bilong ol sevis olsem haus sik na skul we ol inap baim K50 bot fi long kisim helpim long Aitape na K70 long go long Vanimo.

Kain mani em i hat liklik long ol inap kisim wantaim liklik namba bilong manmeri i mekim ofa long taim bilong lotu.

Bihain long olgeta dispela tok invanjelis i tok em na famili bilong em i amamas long sevim God na pipel inap taim bilong ol long Sera Disasta Eria i pinis na ol i go bek long asples bilong ol long Morobe Provins.



WITNES BILONG GOD

LONG wanpela nait, mama Ester i askim Simon, pikinini man bilong em olsem; "Simon, yu harim pinis o nogat? Ankle Toni, haus bilong em i stap klostu long Asaroyufa maket, long raun raun teata bilong Goroka, i laik kisim baptais na kamap Katolik".

Simon i kirap nogut na i askim mama bilong em: "Tru a? Em dispela Toni, man save mekim trabel long maket ples? Em i man bilong spak, pilai laki na man i save lidim ol narapela mangi long kamap raskal na skelim mariyana i go long narapela yangpela mangi?"

Mama bilong em i tok: "em i tru! Em dispela man tasol. Wanpela meri, memba bilong Legio Maria i save go lukim em planti taim na soim Jisas long em. Lait bilong Jisas na gutpela toktok na advais bilong meri ya, i bin senisim laip bilong em. Nau em i save go lotu na planti taim mi save lukim em i singsing sam bilong bekim long taim bilong Misa. Em i gat naispela nek bilong em long mekim singsing. Bipo em i save go singsing long planti klab long painim moni, nau em i yusim nek bilong em long singsing insait long haus lotu bilong preisim God"

Na Simon i tok, "Iya Mama! Laip bilong yumi i olsem wanpela misteri. Yumi mas tok tenkyu long God na preisim em bikos em i save mekim mirakel long laip bilong planti manmeri, na long laip bilong ankel Toni. Mi bai painim taim bilong mi long lukim Ankel Toni, na serim liklik wantaim em na mi laik harim stori bilong em, olsem wanem na em i senisim pasin bilong em na i laik kisim baptais. Em i bin kamap gutpela witnes bilong God long laip bilong em."

Laip bilong yumi em i wanpela misteri God i save mekim wok insait long yumi, em i save senisim yumi sapos yumi putim trast bilong yumi i go long em.

Laip bilong yumi, em i olsem wanpela gutpela witness. Pasin na toktok bilong yumi, inap long senisim laip bilong narapela manmeri.

Tenkim God long yusim yumi long kamap witnes bilong em long laip olgeta de.

Pokili i gat nem long buk bilong ol lain i stadi long ol pisin

Anna Solomon i raitim

POKILI Wail Laip Menesmen eria long hap bilong Hoskins, Wes Nu Britain i gat nem long kiau bilong ol welpaul na ples bilong wara i boil i kamaut long graun. Tasol planti pipel i no save olsem Pokili i putim nem bilong Wes Nu Briten long buk bilong ol saveman husat i stadi long ol pisin.

Mi bin go wantaim ol nius ripota long wanpela woksop bilong REDD+ long Kimbe long mun Epril. Opis bilong United Nations Development Program wantaim Climate Change Development Authority i bin ranim dispela woksop long skulim ol nius ripota long REDD+ na raitim ol stori.

Wanpela hap bilong dispela woksop em long go lukim wanem samting ol pipel bilong ples i mekim long lukautim bus na graun bilong ol. Olsem na mipela i raun i go long Pokili we ol komiti bilong wail laip menesmen eria i kisim mipela i go lukim dispela bus bilong ol we ol welpaul i save stap, na wokabout i go kamap long ples tambu we hatwara i save boil i kamaut long graun.

Maunten paia, Mt Pogo i stap klostu olsem na i gat hatwara i save boil i kamaut long graun. Na dispela kain ples tu em welpaul i save laik putim kiau long en.

Skru bilong lep lek bilong mi i bin bagarap olsem na mi holim stik na wokabut isi wantaim wanpela bikman bilong komiti na em i stori long ol saveman bilong ol ovasis kantri na wanpela man Manus tu husat i bin kam long Pokili long stadi long ol welpaul.

Mi harim dispela stori na long taim mi kam bek long Mosbi, mi bin sekap long wanpela bikpela buk em wanpela saveman bilong ol pisin, Brian J. Coates i bin raitim. Dispela buk, *The Birds of Papua New Guinea Volume 1*. Na tru tumas long seksen bilong pisin ol i kolim Megapodes i gat stori bilong ol welpaul bilong Pokili.

I gat tripela kain scrub fowl hia long PNG, *M.f. reinwardt*, *M.f. affinis* na *M.f. eremita*. Dispela kain welpaul i stap long

Pokili em ol i kolim *Megapodius Freycinet eremita*. Sais bilong en inap long 28 -40 cm na i luk olsem kakaruk. Mama welpaul i save putim ol kiau bilong en long hul long graun klostu long ples we hatwara i save boil i kamaut long graun. Ol kiau bai stap inap 60 de na taim kiau i bruk, ol pikinini bai digim graun i kamaut na ol i raun painim kaikai.

Ol saintis na ol saveman bilong stadi long ol pisin i bin stadi long ol welpaul bilong Pokili na ol arapela ples i stap klostu na raitim stori bilong ol em, Wolf (1965), K.D. Bishop (1978, 1979, 1980) M.C.Downes (1972), D Liem (1976) na K. Kisokau (1976). Sot-pela hap toktok bilong ol i stap long dispela buk bilong Brian J. Coates, *"Birds of Papua New Guinea Volume 1*.

Long New Britain, *eremita* i save putim kiau bilong en long graun klostu long we wara i save boil. Planti bilong ol i save bung long ol ples olsem Pokili, Peesi, Garu na Garili long not Wes Nu Briten na long Matupit Ailan na Vudal long not-is Nu Briten.

Long 1965, Wolf i bin lukim eria bilong welpaul i putim kiau long Pokili em i samting olsem 2 na hap skwea kilomita. Long 1979, Bishop i tok Garu i kamap namba tu wantaim 67 ha.

Narapela saintis, Liem 1976, i tok em i bin painim samting olsem 11,676 hul bilong welpaul long eria inap long mak bilong 62.2ha. Na long Pokili, ol i painim planti tausen ol hul bilong welpaul we ol i digim hul klostu klostu samting olsem wan mita longwe.

Ol dispela saintis i tok tu olsem ol man na naturel distebens i ken bagarapim laip bilong ol welpaul. Wanpela em ol papagraun i wok long rausim planti kiau tumas na ol timba kampani i katim ol diwai klostu long Pokili na Garu. Ol i tok ol pasin bilong ples long putim tambu long kisim kiau em i orait, tasol taim i senis na sampela lain i no moa soim rispek long dispela lo.

Long 1971 long taim bilong welpaul i putim kiau long Garu, (namel long Epril na Me) ol pipel i bin kisim 15,000 kiau. Na long Pokili, ol i bin

kisim 500 kiau long wanpela de long 1978 (Bishop 1979) Ol i ting long wanpela yia, ol pipel i mas kisim moa long wan milien kiau.

Long taim Karol Kisokau i bin go stadi long ol welpaul bilong Pokili long 1976, em i tok wanpela birua bilong ol welpaul em ol weldok husat i save kilim ol bikpela welpaul na ol pikinini welpaul tu, na ol welpik husat i save digim graun long kisim ol kiau.

Karol Kisokau em dispela man Manus, mi harim stori long en. Em i kamap namba wan PNG man long holim wok bilong Seketeri bilong Dipatmen bilong Enviromen na Konsevesen (CEPA) na Minista long dispela taim, Steven Tago, i bin givim tokorait long askim bilong ol pipel long kamapim Pokili Wail Laip Menesmen Eria. Ol pipel i stopim kampani long katim diwai long dispela eria na larim bus i stap olsem.

Ripot bilong ol dispela saveman i bin kamap planti yia i go pinis. Tasol tude, ol pipel bilong Lavege, Koimumu, Rapuri, Vavua, Galilo, Tagaragara, Makasili, Gule na Rikau i holim strong yet pasin kastom bilong ol West long lukautim gut ol welpaul long bus bilong Pokili Wail Laip Menesmen eria.

Ol i putim sainbot long rot we i tok save long ol visita long husat i papagraun bilong dispela eria. Dispela sainbot i tok, *Lukautim Wel Paol- Em i moni, kaikai na strongim pasin kastom na luk-save*.

I gat taim bilong kisim kiau na i gat taim bilong malolo na givim sans long kiau i bruk na kamapim nupela pikinini. Ol i makim ol lain bilong raun na putim was long dispela eria. Tude ol dispela ples i gat plen long stretim gut rot i go long wail laip menesmen eria na stretim gut bus rot i go daun long hot spring na sanapim wanpela haus we ol visita i ken malolo na kisim win.

Dispela pasin bilong ol West i wanpela gutpela eksampel bilong ol pipel lukautim gut bus na graun na ol enimal, bikos ol i save olsem sapos ol i lukautim bus, bai ol i kisim gutpela bekim long bus bilong ol.



Antap lephan: Sainbot bilong Pokili Wail Laip Menesmen eria.



Antap raithan: Ol bikman bilong ples i soim ol ripota we ol welpaul i save putim kiau.



Dorcas Tindrin, Anisha Isimel na Mapun Pidian i sanap arere long hot spring long Pokili.



Amamas long kisim win na lukluk raun long hot spring.



Dorcas Tindrin i lukluk raun long hot spring long Pokili.



Wokabout long bus bilong Pokili Wail Laip Menesmen eria.

Ol poto: Nicole Johanes, Samson Kupale na Dorcas Tindrin.

Limba Aki, sempion ples kapenta long Wali kantri

James G. Kila i raitim

INSAIT long planti viles na ruel komyuniti long Papua Niugini, i gat ol kain kain stail man i stap husat i gat gutpela save long wokim wok na developim komuyniti.

Long Gum komyuniti long Saut Amenob LLG, Madang i gat wanpela stail man i stap nem bilong em Limba Aki.

Limba i gat samting olsem 60 krismas na wok bilong em long Gum komyuniti em 'haus-lain kapenta' o man bilong wokim na sanapim ol haus.

Em i wanpela sempion kapenta na em wanpela man tasol i ken wokim wanpela bikpela haus em ol famili i ken stap na slip long en. Ol hanmak bilong Limba long wokim ol haus i stap long planti hap long Gum na ol arapela ples klostu long 'Wali kantri' long Madang.

Planti lain i save askim Limba long wokim haus bilong ol bikos em sempion plesman kapenta. Em i save wokim naispela ol haus we ol lain i save amamas long stap na slip long en.

Limba i wanpela man bilong kaikai stret bikos long wok bilong em olsem kapenta long komyuniti na em i stap kik yet.

Planti lain i save skelim dispela bun man Limba olsem wanpela man bilong kaikai bikos maski em i kaikai long wanpela haus na i go long narapela haus em bai kaikai yet tasol skin bilong em i no ina kamap bikpela. Ating dispela olgeta strong i mas go long wok kapenta olsem na bagaros i mas kisim moa long strongim bodi.

Mama bilong Limba i bin karim em long ples Gomumu long maunten bilong Finistia Rens long Nahu-Rawa LLG bilong Raikos distrik. Dispela ples i stap antap long maunten we i sanap baksait long Ramu Suga taun na Gusap.

Bihain long mama i karim Limba na em i bin go kamap olsem 5 o 6 krismas ol i bringim em i go long Gum, na em i stap i go na go long skul pastaim long Jomba. Bihain Limba i go skul long Gum na i pinisim Gret 6 na bihain em i bin pinisim gret 6 long 1979 na em i

gal long wok bilong Limba, moa askim i wok long go long bagaros ya i save go na wokim haus bilong ol. Olsem na taim em i lukim moa askim i kam, Limba i putim prais o reit bilong bilong em i go antap. Em i stat long sasim K300 long ol bikpela femili haus em i wokim na ol semi-permanent haus em i sasim K400.

Limba i gat 6-pela susa na em wanpela tasol em man insait long famili. Papa na mama bilong em i dai pinis wantaim foapela susa. Tupela susa bilong em tasol i stap laip na stap wantaim famili long Gomumu.

Limba i bin stap long ples i go inap 1992 nau na em i kisim askim i go long Han Yob, wanpela papa na lida long Mauban klen long Gum komyuniti long go stap na helpim em long liklik wok. Taim Limba i go stap long Gum em i lus tingting long ples na tromoi ki bilong Gomumu i go na nau em i kolim Gum olsem ples bilong em.

Was brata bilong Limba, Joe Tau Hans i stori olsem Limba i bin marit taim em i bin yangpela olsem 30 krismas samting, tasol dispela meri bilong em bilong Begesin i bikhet liklik long Limba na i lusim em i go bek long ples. Tude, Limba em wanpela I stap na em i save wok olsem hauslain kapenta long sevim komyuniti.

Limba i stori olsem dispela save em i gat long wokim ol haus em i nogat man i skulim em o lainim em long wokim. Em yet i lukim ol arapela lain i mekim na em i kisim tingting long putim long eksen na olgeta i go orait olgeta.

Tude, dispela bunman i sempion man bilong wokim haus.

Em i wanpela man tasol i ken wokim na pinisim wanpela bikpela haus morota o semi-permanent haus long ples taim ol kastoma bilong em i redim olgeta samting bilong wokim haus.

Limba i stori olsem namba wan taim em i bin stat wokim haus bilong ol narapela lain, ol i save baim em K100 long wok bilong em.

"Dispela K100 em pe mi kisim taim mi statim wok olsem kapenta na wokim ol bus meteriel haus," em i tok.

Gutpela na smatpela wok bilong Limba i pulim ai bilong planti lain insait long Gum komyuniti, na ol arapela komyuniti olsem Kesup, Bahor na ol arapela kastoma long ol haus-lain klostu long Gum olsem Sodas, hap-sait wara na bikples Mauban.

Taim planti lain i man-

gal long wok bilong Limba, moa askim i wok long go long bagaros ya i save go na wokim haus bilong ol. Olsem na taim em i lukim moa askim i kam, Limba i putim prais o reit bilong bilong em i go antap. Em i stat long sasim K300 long ol bikpela femili haus em i wokim na ol semi-permanent haus em i sasim K400.

Long nau yet Limba i wok hat long pinisim haus bilong em long Gum viles we em bai serim wantaim liklik boi bilong em Hans.

Limba i tok em i no kisim wanpela bikpela askim i kam long sampela lain yet olsem na em isi long wok long haus bilong em wantaim boi bilong em Hans i stap.

Limba i skelim ples long putim ol diwai long nupela haus em i wokim.

Limba makim sais bilong morota bipo long em I pasim na putim antap long diwai bilong haus. Ol poto: James G. Kila



Haus-lain kapenta, Limba Aki i sekim ol morota bilong ruf bipo long em i putim i go antap long haus long Gum.



Anslom Nakikus stap long wol musik

OL foapela yia bilong tuhat, aiwara na hatwok bilong biknem musik man long kantri, Anslom Nakikus i karim kaikai long 26 Epril, 2019, taim em i putim aut nupela intenesenel album 'Love me Again' long Johannesburg, Saut Afrika.

I no dispela tasol. I gat moa long 200 milen manmeri husat i save laikim tru ol regei musik bilong bikmen musik man bilong ol, Lucky

Dube long Afrika nau i laikim ol 11-pela musik bilong Anslom aninit long dispela albam. Em i singim ol singsing bilong strongim laikim, bel sis, wokbung na i gat strong-pela tingting long kamapim samting.

Anslom taim mama i karim em long Is Nu Briten, em i kolim Ronald Nakikus. em i statim wok bilong em olsem wanpela musik man long 1998.

Em i save singsing wantaim ol arapela musik grup olsem Barike Band na Kuakumba Rutz taim em i stadi i stap long Yunivesiti ov Papua Niugini (UPNG).

"Musik i save wokim em samting mi pilim long lewa na mi wokhat tru long kamap long dispela mak nau. Dispel musik albam bilong mi bai inap long opim dua long ol arapela musik man. Taim ol i lukim ol bai tok,

em samting mipela tu i sapos long mekim.

"Mi laik kamap gut-pela piksa bilong ol long lukim na bihainim. I no mekim wankain samting tasol na singsing long ol klap tasol olgeta taim.

"I gat planti rot i stap long ol musik man i ken bihainim. Mipela i mas lainim long menesim mani gut na traim ol musik maket ausait long kantri," Anslom i tok.

Mista Nakikus i tok, traim ol musik maket ausait em wanpela rot ol lokal music man long kantri i ken bihainim long dispela taim we musik indastri long kantri i pundaun.

Em i amamas long tokaut tu olsem O'Shen, wanpela musik man long kantri i singsing wantaim em na Saut Afrika musik man, Black Villager long nupela musik albam.

Raun bilong Kanage



Gutpela de ol ridas, mi Kanage laik toksave olsem plis salim ol tok pilai Kanage stori na bai mipela i putim insait long dispela RAUN BILONG KANAGE kolom. Salim

ol gutpela tok pilai tasol, nogat ol toknogut o pasin nogut tok pilai we mi no inap putim long pepa. Teksim i kam long 718 45906

Tenkyu! Paps Kanage..

Lainim pikininitaim ol liklik yet

Jacklyn Kimala i raitaim



Ol pikinini bilong wanpela praimer skul werim kala ret na holim ragbi bal na sanap long lain long opim Mini Mod Program las wik long NFS long NCD. (Poto PNGRFL)

OL pikinini stap long skul yet aninit long 7 krismas i go 12 i mas save long skil bilong nambawan spot ragbi lig insait long kantri bilong ol.

Planti ol pilaia insait long bikipela kompetisen i no save gut long rot bilong ragbi lig tasol ol i save long pilaia tasol.

Olsem na husat ol pikinini stap long skul bai kisim Mini Mod Program bilong ragbi lig. Taim pikinini liklik yet lainim ol long kain samting na bihain ol bikipela bai ol i ken save long gutpela na nogut bilong ragbi lig.

KANAGE EM PLES MAN

KANAGE em ples man na em i kam long wanpela klen nem Nimoko, Yamikim Tribe na em wanpela man bilong painim abus.

Na olgeta taim em i save kisim dog i go wantaim em long bun na nem bilong dog bilong em Kuyambu. Tupela i bin kirap long traipela moning no gat kaikai na wara na go raun long bus na dok bilong em nek drai long dring wara tasol no gat wara bilong dring na em lukim Kanage pispis i stap. Na dok bilong em Kyambu i laik dring na Kanage inglis long em., "Kuyambu get away I am throwing the pispis," na dok em isi tasol lusim em na i go.

KANAGE EM BAS DRAIVA

KANAGE em wanpela bas draiva na em bilong ples Konambandu long Wosera na em i save draivim wanpela bas i stap. Na papa bilong bas i tokim em yu kisim Silives em stap long Papindo stua long Maprik.

Kanage i go painim Silives i go kam na em i askim wanpela man yupela lukim Silives tu na Silives tokim em mi tasol ya na Kanage tokim em yu werim stap ha. Na dispela man i tokim Kanage olsem no gat. Nem bilong mi Silives" Kanage tok, "ah mi ting papa bilong bas lusim slipas bilong em na tokim mi long kam painim."

TUPELA SPAK POROMAN

Wanpela taim tupela man i bin bungim mani na baim wanpela katen bia na spak.

Wanpela man i gat tupela ai we taim em lukim lain em bai lukim tupela samting. Na narapela man em aipas man na em i no save lukim samting. Tupela resis long wanpela katen inap dispela katen bia i bin pinis na wanpela botol tasol i stap na dispela aipas man i bin kisim botol na putim long sait

tupela. Tupela pait long dispela wanpela botol tasol tupela wantaim i abrus long paitim tupela bikos aipas man em no lukluk na tromoi han nating nating. Wankain long dispela tupela ai man, em i no tromoi han long dispela trupela man tasol giaman wan ya. Na tupela aipas man tokim tupela ai man olsem, "brata maski haithait na kam," dispela ai tupela ai man i tokim em. Na yu tu maski long kam tupela tupela.

KANAGE BUNGIM TAMBU MERI

Kanage pasim tok long bungim tambu blo em blo em long Arawa bastop long moning neks de na givim em sampla mani. Lo moning, tambu blo Kanage kam bungim em na em kisim sampla kumu blo Kanage kam. Tupela bung na kalap lo PMV bas. Tupla sindaun na Kanage putim liklik bilum mani blo em go outsait na hangapim long kona blo bas. Taim bas teikof, Kanage kalap go outsait lon windo na tok gut-bai long tambu blo em na wokabaut i go. Sore tambu i no kisim helpim, kumu i go nating.

Yu yet Skelim...



Stopim pasin bilong paitim meri! Stopim naul!

Yu yet Skelim...

Liklik tokwin olsem ol asailam sik bai lusim kem bilong na go long wanpela hap... Long Manus yet, tasol long wanem hap long Manus?...



Toro



Biabia



Kanage



Stopim Child Trefiking long PNG!



Stopim Pasin bilong bagarapim pikinini!



Stopim Pasin bilong Child Leba!

STORI
TUMBUNA

Longpela nek na kuka

LONGPELA nek em i nem bilong wanpela kain pisin em i save painim pis bilong kaikai.

Long wanpela ples nem bilong em Pahang, wanpela longpela nek i stap. Dispela longpela nek em i lapun pinis. Longpela nek i save go long raunwara na em i lukim planti patpela pis. Em i tromoi maus bilong en long kisim pis tasol ol i swim kwiktaim tumas. Tasol lapun em i no inap kisim ol. Olsem na long planti de em i no kaikaim wanpela samting na em i bun nating na skin bilong em i slek. Longpela nek i wari planti.

Longpela nek em i wari moa tasol bihain em i tingim wanpela pasin bilong giamanim ol pis. Em i tingim dispela pasin na em i go painim trausel.

Klostu long raunwara em i lukim trausel na em i tokim em, "Ating yu harim tok bilong tupela man ah?" Trausel i tok, "Mi no harim tok bilong tupela man. Tupela i tok olsem wanem?"

Longpela nek i tok, "Bai tupela i kam long dispela raunwara long narapela mun bihain. Tupela man i laik rausim olgeta wara na bai tupela i kisim olgeta pis. Long asde nait mi harim tupela i mekim tok olsem."

Trausel i lusim longpela nek i stap na em i go tokim ol pis. Bihain liklik longpela nek i wokabaut klostu long raunwara na ol pis i kam askim longpela nek, "Olsem wanem long mipela? Bai ol man i kam rausim olgeta wara na bai lain bilong mipela i dai?"

Longpela nek i tingting planti na bihain em i tok, "Ating inap mi kam karim yupela wan wan na flai i go kapsaitim yupela long narapela raunwara long hap bilong maunten. Na ol pis i bekim olsem, "Tingting bilong yu em i gutpela tru." Olsem na longpela nek i karim ol pis na i go. Tasol taim em i karim ol pis em i no bringim ol long raunwara. Nogat. Em i wok long kaikai na ol pis i no stap.

Tasol wanpela olupela kuka i stap long dispela ples Pa-

hang. Em i lukim longpela nek na em i ting, "Bipo longpela nek em i bun nating na olgeta taim em i wari moa long painim pis. Nau em i gat planti gris na em i no wari moa long painim pis. Mi ting em i kaikai pinis ol wanwok bilong mi."


Em i ting olsem na taim longpela nek i kam bek long kisim moa pis, dispela olupela kuka i singaut, "Yu kisim mi." Olsem na longpela nek i kisim olupela kuka na karim em i go. Taim longpela nek i laik kaikai kuka, dispela kuka i holim strong nek bilong dispela pisin na kilim longpela nek bilong em na em i dai.

Ples Pahang nau i stap gut wantaim ol pis na bikpela raunwara.

Pius Aunai
Yassip
Is Sepik



Haliyim liklik Tony i go bek long haus bilong em



Stat hia



PAINIM WOD PILAI

E	A	K	H	F	Z	G	N	B	I	I	T	R	M	O	N
D	O	R	O	N	O	W	E	U	V	M	S	I	I	I	Q
N	G	B	L	M	J	U	X	C	E	I	I	K	A	F	A
A	S	I	I	K	P	O	K	L	R	C	A	L	T	R	I
H	H	G	D	A	E	A	E	A	G	F	K	E	T	K	O
C	L	P	E	R	L	K	S	Q	R	A	O	S	U	S	R
M	R	W	E	L	E	E	L	I	P	A	R	A	G	A	B
W	E	Q	T	I	R	A	P	M	N	S	P	A	K	N	A
S	O	D	P	T	B	C	U	N	G	D	H	E	S	I	A
E	L	N	E	U	E	R	D	I	I	K	A	Y	L	M	F
K	M	I	L	E	K	S	E	U	L	A	M	U	L	A	M
C	M	A	A	I	D	B	N	A	I	K	N	O	N	L	A
N	J	O	B	M	A	Y	A	T	P	A	K	O	L	I	I
J	A	T	R	O	F	A	F	N	L	N	V	U	E	I	E
S	E	E	M	P	U	I	E	N	Z	G	D	M	V	E	P
R	L	H	V	S	F	T	C	R	H	M	C	D	E	P	W

OL WOD LISTA:

- KARAPELA,
- FIFTI,
- BIKRUM,
- ANKA,
- GREVI,
- KAKANG,
- LOKAP,
- MELEK,
- ORAIT,
- KOMPAS,
- PILO,
- SKELIM,
- TRESARI,
- YAMBO,
- ANIMAL,
- BAGARAP,
- ETPELA,
- GUTTAIM,
- HOLIDE,
- KAIS,
- LABULA,
- MALUMALU,
- PAKLAIN,
- NAINPELA,
- RONOWE,
- SINDAUN,



Stori i kam long Buk Baibel

Daniel i stap long hul bilong ol laion

Long dispela taim profret Habakuk i stap long distrik Judia. Em i bin kukim sup i gat mit na liklik hap bret, na em i karim i go long givim ol man i bungim kaikai long gaden. Em i stap yet long rot na ensel bilong God i tokim em olsem, "Bringim dispela kaikai bilong yu i go long Daniel. Em i stap long Babilon long hul bilong ol laion." Na Habakuk i bekim tok olsem, "Mi no lukim Babilon yet. Na mi no save hul bilong ol laion i stap we."

Orait ensel i litimapim profret long gras bilong het bilong em, na em i spit olsem win na karim em i go long Babilon. Na em i putim em i go daun klostu long hul bilong ol laion. Na Habakuk i singaut olsem, "Daniel, Daniel. God i salim sampela kaikai i kam long yu. Yu kam na kisim."

Daniel i harim tok bilong Habakuk na em i prea olsem, "God yu bin tingim mi. Yu no save lus tingting long ol man i laikim yu." Na em i kirap na i kaikai, na wantu ensel bilong God i karim Habakuk i go bek long ples.

7-pela de bihain, king i go long hul bilong ol laion, bai em i ken krai long Daniel. Taim em i kam kamap, em i lukluk i go insait, na em i lukim Daniel i sindaun i stap. Na king i singaut olsem, "God bilong Daniel, yu Bikpela tru. Yu wanpela tasol yu God." Na em i tokim ol man long rausim Daniel i kam ausait long hul. Na king i kisim ol man i laik kilim Daniel na ol i tromoi ol dispela man i go insait long hul. Na king i lukluk yet i stap na wantu ol laion i pinisim ol dispela man.

Ol stilman yusim sosel midia long stilim mani



Ol konman i wok long trikim ol pipel long sosel midia. (Photo: ABC News, Johanna Marie)

Prianka Srinivasan
Pasin bilong yusim sosel midia olsem Facebook long stilim mani bilong ol

pipela i wok long kamap long olgeta hap bilong wol na long Pasifik rijon tu.
Ol dispela stilman i save yusim ol Face-

book akaun long giamanim ol pipel long mekim ol invesmen samting na sampela pipel long Pasifik i bin lusim mani pinis long

ol dispela giaman pasin bilong ol stilman.
I gat moa kain stilman olsem i save stap long kantri Frans.

Graun bruk long Tsak Veli

Hilda Wayne
Ol 8-pela pipel bilong Tsak Veli long Enga provins i bin lus long taim bikpela graun bruk i bin kamap na bagarapim ples bilong ol.

Gabrile Minoga, man husat i go pas long mekim ol rilif wok wantaim ol dispela pipel i tok ol i kisim helpim i kam long ol lida na provins. Em i tok ol i painim pinis foapla bodi tasol ol i

no painim yet ol arapela foapela bodi i bin lus long dispela graun bruk.
Em i tok dispela hevi em natural distasta i kamapim na ol pipel i bin stap long bikpela wari taim ol i

no painim foapla bodi yet.
Mista Minoga i tok ol i bin planim foapla bodi pinis na planti moa famili i lusim haus na gaden samting bilong ol long dispela hevi.

PNG Hunters i lus nogut tru



PNG Hunters i mas traim long kamapim gut pasin na tingting bilong ol long wei ol i save pilai. (Photo: PNGRFL Media)

PNG Hunters i mas traim long kamapim gut pasin na tingting bilong ol long wei ol i pilai sapos ol i laik kamapim gut posisen bilong ol long poin lida bilong Queensland Intrust Super Cup. PNG Hunters

nau i sindaun 13 ples long lata.
Kosa Michael Marum i tok dispela ANZAC Day gem egensim Burleigh Bears long Gold Coast las wik i bin wanpela gem nogut tru em i bin lukim ol

Hunters i lus, 56-4.
Em i tok wok redi bilong tim i bin gutpela pastaim long ol i go long Gold Coast long bungim ol Burleigh Bears, tasol tingting bilong ol i no stap gut long las wik.
Mista Marum i tok

em i bin gat bikpela tingting long kamapim ol senis long olsem wanem ol pilai i save pilai. Tasol planti senis i bin kamap long lain-ap bilong tim olsem na wei em i laikim tim long pilai, i no bin kamap.

Ol yunion bilong Solomon Ailan i laikim moa pe

Evan Wasuka

Ol yunion long Solomon Ailan i askim gavman bilong ol long givim sampela luksave long ol na apim pe bilong ol wokmanmeri.

Ol yunion bilong ol tisa na dokta i tok dispela pasin we gavman i tingim ol politisen tasol em i no stret long ol arapela woka long kantri.

Yunion bilong ol tisa na dokta long Solomon Ailan i singaut long gavman i mas tingim ol arapela woka tu bihain long nius i kamap olsem ol memba bilong palamen bai kisim moa mani long dispela yia.

Ol memba bilong palamen bai kisim moa mani bikos lo bilong kantri i tok long dispela yia ol i mas baim takis i

go long gavman.
Tasol ol yunion i tok dispela disisen bilong apim pe bilong ol memba bilong palamen em i no stret.

Hilda Tokorobo, wanpela tisa na memba bilong wimens wing bilong Solomon Ailan nesanel Tisa Asosiesen i tok olsem ol meri i save hatwok tru long lukautim famili bilong ol

long liklik mani ol i save kisim.

Medikol Asosiesen i makim ol dokta na dental woka.

Presiden bilong dispela asosiesen, Dokta Claude Posala i tok dispela asosiesen bilong ol dokta i no amamas long dispela disisen bilong apim pe bilong ol memba bilong palamen.

Gavana Bird i tok gavman i no ken sensim LLG voting sistem

Hilda Wayne

Gavana bilong Is Sepik, Allan Bird i tok i no gat wanpela samting i rong long wei bilong makim ol kaunsil presiden bipo, olsem na

provins bilong em i go long kot long salensim disisen bilong gavman long senisim dispela samting.

Mista Bird i tok bipo ol pipel long ol provins long ol Lokal

Level Gavman ileksen i save votim ol kaunsil presiden bilong ol provins. Tasol gavman nau i laikim ol kaunsil i makim presiden na i no ol pipel long wei bilong vot.

Em i tok pasin we gavman bilong Praitim Minista Peter O'Neill i wok long mekim i olsem diktetasip, we em i wok long rausim pawa bilong ol provins na mekim ol disisen.

Death toll rises in Gaza fighting as Israeli PM orders 'massive strikes' against Hamas

ROCKETS and missiles fired from Gaza killed four civilians in Israel while Israeli strikes killed 19 Palestinians, more than half of them civilians, in surging cross-border fighting on Sunday.

Key points:
* Israel's military said that more than 600 rockets had been fired at Israeli targets

* Gaza officials said 27 Palestinians, including civilians, had been killed by Israeli air strikes

* Israel's military

killed Hamas commander Hamed Ahmed al-Khodary in an attack on his car

Israeli Prime Minister Benjamin Netanyahu said he ordered the military to continue "massive strikes" against Gaza's ruling Hamas group and Islamic Jihad in the most serious border clashes since a spate of fighting in November.

Israel's military said more than 600 rockets and other projectiles — over 150 of them inter-

cepted by its Iron Dome anti-missile system — had been fired at southern Israeli cities and villages since Friday.

It said it attacked more than 260 targets belonging to Gaza militant groups. Gaza officials said Israeli air strikes and artillery fire had killed 27 Palestinians, including 14 civilians, since Friday.

Israeli bombings in Gaza destroyed four multi-storey structures.

Witnesses said the

Israeli military had warned people inside to evacuate from the buildings before they were hit, alleging they housed Hamas security facilities.

Saeed Al-Nakhala, owner of a clothing store in one of the buildings, said he had no time to save his merchandise.

"I was together with my son in the shop, there was a big noise and then another and people started to run. We left everything behind and escaped," he said.

Dozens killed as Cyclone Fani hits Bangladesh and India

THE strongest cyclone to hit India in five years killed at least 33 people in the country's eastern Odisha state before swinging north-eastwards into Bangladesh, where five more people died.

Key points:
* Two children were among those reported killed in India

* The destruction in the town of Puri was said to be "unimaginable"

* Mass evacuations in India and Bangladesh are credited with saving many lives

But the evacuation of millions of people

across the two countries is believed to have saved many more lives.

Tropical Cyclone Fani, which made landfall early on Friday, lost some of its power and was downgraded to a depression as the storm hovered over Bangladesh.

"The fear of a major disaster is mostly over as [Fani] has weakened," said Shamsuddin Ahmed, director of the Bangladesh Meteorological Department.

A storm surge still breached embankments to submerge dozens of villages on

Bangladesh's low-lying coast, a disaster ministry official in Dhaka said.

The storm also destroyed several houses in the Noakhali district, where a two-year-old child and a 12-year-old girl were killed and about 30 people were injured, local official Tanmoy Das said.

In all at least five people were killed, 63 injured, and more than the 1,000 houses had been damaged, Bangladeshi authorities said.

Indian media reported that most deaths have been

caused by falling trees.

The seaside temple town of Puri, which lay directly in the path of Fani, suffered extensive damage as winds gusting up to 200 kph tore off tin roofs, snapped power lines, and uprooted trees.

"The cyclone has killed 21 people in Puri and about 300 people are injured," Brajbandhu Dash, medical officer at Puri, told Reuters.

"Destruction is unimaginable ... Puri is devastated," Odisha's Special Relief Commissioner Bishnupada Sethi said.

Kisim skul long ripot long klaimet senis na REDD+



Fay Duega bilong National Forest Authority.



Mapun Pidian, NBC Kokopo, i raitim stori.



Williamson Hosea, provinsal edministreta bilong Wes Nu Briten i opim dispela woksop.



Anisha Isimel NBC Madang (lephan) na Vanessa Saun FM100.



(l-r) Lydia Bobola UNDP, Patrick Levo Post Courier na Heang Thy.



Tom Kilavi NAU FM.



Kevin Marai, NBC Televisen.



(l-r) Luke Kama Nantional na Tom Kilavi.



(l-r) Deborah Meana, Ethel Namuri CCDA na Samson Kupale UNDP

LONG mun Epril, wangepela wok-sop i bin kamap long Kimbe, Wes Nu Briten long givim skul long ol nius ripota long givim-maut infomesen long REDD+ na watpo dis-

pela samting i impoten long PNG na wanem samting gavman i mekim, na olsem wanem dispela samting i pas long laip bilong ol pipel bilong kantri na ol arapela hap bilong

graun.

Climate Change Development Authority wantaim Forest Carbon Partnership Facility bilong UNP i bin oge-naisim dispela woksop. Na ol opisa bilong dispela tupela lain i bin

givim dispela trening long ol midia. Wangepela speselis bilong midia, Ms Heang Thy bilong Cambodia i bin go pas long dispela trening. Ol nius ripota i bin kam long NBC Kimbe, Is Nu Briten, Madang, Pot

Mosbi, EMTV, FM 100, Post Courier na National niuspepa.

Edministreta bilong Wes Nu Briten Williamson Hosea i bin opim dispela wan wik woksop na bihain em i bin kam bek na givim ol

setifiket na pasim dispela woksop.

Ol ripota i bin gat sans long raun i go long tupela ples na lukim ol klaimet senis i kamapim na ol pipel i soim wail laip menesemen eria long Pokili na

pasin bilong ol long lukautim bus na graun. Bihain ol i go bek na raitim ol stori.

Ol dispela poto i soim ol ripota na teknikel tim bilong CCDA na UNDP long dispela midia woksop.

Kina Benk mekim gut long 2018

KINA Benk i stat long baim olgeta benk bilong Australia Nu Silan (ANZ) Benk long kantri na i gro gut," Kina Benk Sif Eksekutiv Opisa, Greg Pawson i tok.

Em i tok taim benk i kisim olgeta benk bilong ANZ, em bai kamap namba tu bikpela benk bihain long Benk Saut Pasifik (BSP) long kantri. Em i mekim dispela tok long enuel jeneral kibung bilong benk long las wik Tunde.

"Mipela i lukim gutpela gro bilong benk long olgeta divisen long benk bilong mipela long 2018," Pawson i tok.

"Namba bilong ol kastoma bilong mipela i wok long gro 25 pesen, diposit i gro 29 pesen long K1.3 bilien na dinau na ol mani na ol arapela samting mipela i yusim i gro long 20 pesen long mani mak bilong K851.7 milien.

"Mipela i putim gutpela taim long strongim kina bilong mipela egens long



Greg Pawson, Kina Benk Sif Eksekutiv Opisa.

ol arapela karensi olsem Amerika (USA) dola.

"Wantaim gutpela mak mipela i kisim long foren eksens (FX), mipela i

strongim stap bilong mipela.

"Foren eksens bilong mipela i gro long 373 pesen na mipela inap long mekim go bikpela maket sea bilong mipela i go long 10 pesen we inap long kisim wanpela yia olgeta."

Pawson i tok wok bilong benk long kisim olgeta benk bilong ANZ i bikpela tingting bilong benk.

"Mipela i tokaut long ol samting mipela i baim pinis long ANZ PNG's

Ritel, liklik go long namel sais bisnis (SME) na Komesel bisnis na ol gutpela sea holda.

Benk i stretim wok bilong ol sea holda taim founding na mesa sea-holda, Fu Shan Investment (Hong Kong) Ltd, i salim olgeta samting bilong en long mani mak bilong 34.94 pesen long Jun, 2018.

Em i tok sea maket bilong benk i go bikpela bikos long ol lain husat i kamap seaholda i bilong PNG na Australia tu.

"Dispela wok bilong mipela long baim ol benk bilong ANZ ritel, SME na Komesel bisnis i go wantaim tingting bilong mipela long mekim wok bilong benking i go bikpela," Pawson i tok.

"Dispela bai strongim fainensel sevis bilong sekta.

"I gat tupela benk long kantri we i strongim wok resis bilong benk long kantri."

Pawson i tok benk i plen long baim olgeta samting bilong ANZ benk

long Septemba dispela yia wantaim 300 wok manmeri.

Kina Benk bai baim na ranim olgeta 18 ANZ brens long kantri we ANZ Bank i save ranim.

I gat 80 ATM na 1,500 EFTPOS teminal bilong benk.

Benk i salim 85,000 ritel na 6000 Komesel na SME kastoma we dispela i kisim olsem AUS\$150 milien (K350 milien) long lening aset na AUS\$450 milien (K1.13 bilien) long diposit.

Benk laik givim gutpela sevis

KINA Benk i kamap strong na i redi long givim gutpela sevis long ol kastoma, Kina Benk Sif Eksekutiv Opisa, Greg Pawson i tok.

Em i tok taim ol i inves long teknoloji na i lukluk long save bilong ol kastoma, ol i mekim olse, wok long kamapim benk bilong bihain taim.

"Long 2019, mipela bai kamapim moa nupela prodak na sevis long ol kastoma bilong mipela," Pawson i tok.

"Mipela i lukluk long onlain ritel FX sevis, ol rot bilong baim samting olsem GooglePlay na kamap bilong tep na go kredit kad.

"Ol kastoma i laik

benk long kain kain hap, long kain kain taim na long kain kain rot."

Long 2018, Kina Benk i kamapim onlain dinau eplikesen na opim ol akaun, na dispela i lukim planti kastoma i kam long benk.

Em i tok benk i gat olsem 85 wan wan ol dijital-bes projek we i wok long kamap long dispela taim na dispela i kamap planti wantaim senis long teknoloji we ol manmeri i no lukim.

Em i tok bilip bilong ol em olsem benk i mas isi na i no ken hat long ol kastoma i mekim wok benking na kisim sevis.

"Mipela i laik yusim dijital teknoloji long

mekim wok long insait long benk na long ausait wantaim.

"Mipela i laik lukim olsem taim ol kastoma bilong ANZ i kam, ol i ken painim isi long Kina Benk long mekim benking wok.

Kina Benk i tokaut long tingting bilong em long baim ol benk bilong ANZ na ol wok bilong en olsem Ritel, Komesel na liklik i go long namel sais bisnis (SME) long Jun, 2018.

Em i tok dispela projek i wok long kamap gut na long Septemba, Kina Benk i baim olgeta samting wantaim 300 wok manmeri na 120,000 kastoma.

"Antap long dispela, mipela bai putim inap taim long karimaut ol wok long e-benking.

"Dispela bai larim mipela long kamapim tep na go kredit kad, kamapim ol EFTPOS sevis na menesim ol ATM masin.

Long stat bilong las mun, benk i tokaut long em i namba wan komesel benk long konek long sentral swits bilong Sentral Benk.

"Kamap bilong dispela ol senis bai strongim stap bilong benk.

"Em long dispela mipela i winim Most Inovativ Bisnis 2018 Awot," Pawson i tok.

Foapela Sauten Hailans man kisim skul long Malaysia



Morris Hoffrey, Oil Search Proses Teknisen aprentis long INSTEP trening fesiliti, Malaysia. Foto: Oil Search

FOAPELA yangpela man long Sauten Hailans i lusim ples na nau i "brukim het" long aprentis teknikel skul long Malaysia.

Dispela foapela man em Benjamin Kiate, Morris Hoffrey na Jack Kari bilong Kutubu/Moran na Kami Jack Putaija bilong Angore husat bai skul long kamap ilektrisen.

Oil Search, kampani i developim oil long Sauten Hailans i salim dispela ol man i go skul long Institut Teknoloji Petroluem Petronas (INSTEP).

Dispela skul i wanpela wol klas skul na foapela bai kisim wanpela yia long skul.

Oil Search aprentis program i save gat foapela yia na i stat wantaim wanpela-yia trening kos long INSTEP kempas long Malaysia.

Dispela skul i bilong helpim ol treni long kisim save na pasin bilong mekim gut long wok bilong ol.

Kari, 30, bilong

Petroleum Developmen Laisens 5 na 6 long Moran i tok tenkyu long Oil Search long givim ol dispela sans long go skul na kisim moa save long wok bilong ol.

"Oil Search aprentis program i wanpela gutpela program bikos em i save kamapim ol gutpela teknikel savelain na dispela em sans long mi go aut na lain long gutpela save na kamapim ol wok long developmen long Papua Niugini," em i tok.

"Oil Search i mekim wok long hap bilong mi na olsem mi amamas long wok mi mekim.

"Dispela i givim mi longpela laip long wok mi mekim na hap wok em tim bilong mi mekim.

"Mi pilim olsem mi inapim driman bilong mi na mi hap bilong Oil Search famili."

Kiate, 30, bilong Waro long Kutubu i gat Digri long Kompyuta Saiens long Yunivesiti bilong Teknoloji.

Em i tok em i painim

skul i gutpela na i amamas tru.

"Taim mipela i stat, mipela i lainim pinis planti ol nupela samting long ol namba wan mun.

"Dispela em i driman tru bilong mipela.

"Em i driman bilong olgeta papagraun long wanpela de ol i mas wok wantaim Oil Search na em i gutpela tru olsem mi inapim driman bilong mi.

Hoffrey, 31, bilong Kutubu i tok em i kamap long dispela mak long laip bilong em bikos long famili, klen na traib bilong em.

"Komyuniti bilong mi i amamas long mi wok wantaim Oil Search," em i tok.

"Dispela em olsem mi makim tupela sait wantaim, long taim mi stap long wok na long taim mi makim komyuniti na long taim mi malolo."

Em i askim ol yangpela long ples olsem laip i no isi na ol i mas wok hat long bungim driman bilong ol.

Papua LNG agrimen no kisim polisi bilong gavman



Antelope gas sait i wanpela long ol gas risev na i wanpela long ol hap i kamapim Papua LNG projek. Foto: File

MEMBA bilong Mosbi Not Wes, Sir Mekere Morauta i tok Papua LNG gas projek agrimen we ol i sainim i no longtaim i go pinis i no kisim ol polisi em gavman i tok i mas stap long kain projek olsem.

Em i tok gavman i gat Naturel Gas Polisi na Nesenel Eneji Polisi na ol arapela lo we projek i mas helpim komyuniti tasol dispela i no stap.

Em i mekim dispela tok long taim planti Memba bilong Palamen wantaim ol gavman opis na ol papagraun i tok dispela agrimen i no gutpela.

Em i tok tu long taim sampela Memba bilong Gavman i lusim Gavman bikos long kain agrimen we ol i tok i no bin gat gut-

pela ol toktok namel long ol Memba na olgeta stekholda bipo long gavman wantaim ol developa i sainim agrimen long developim projek.

Em i tok dispela em narapela agrimen em O'Neill wantaim ol poroman bilong em i kamapim taim ol i no harim tok bilong Gavman Dipatmen tim we Dipatmen bilong Petroleum na ol arapela saveman i go pas long en.

"I gat save olsem O'Neill i brukim ol polisi bilong em na i pasim ol rot bilong kisim edvais long wanem samting ol i mas mekim long kamapim agrimen," Sir Mekere i tok.

"Dispela i bikpela lus bilong gavman na ol pipel taim em i givim fri bilien

kina mani.

"Gavman i givim bikpela holide long kampani taim em i no kamapim ol toktok bilong kisim takis long kampani long agrimen."

Sir Mekere i tok bikos long dispela, O'Neill wantaim ol poroman bilong em i gat planti toktok long mekim.

Em i tok Gas Agrimen inap olsem 5 pesen long projek i mas stap long Domestik Maket Obligesen (DMO) na Naturel Gas na Nesenel Eneji polisi i askim long 15 pesen DMO.

Nesenel Eneji Polisi i tok, "wantaim kamap bilong petroleum eksplorasen wok we i kamap nau long graun na solwara (wara) long planti ol hap

bilong kantri we tait i tro-moi pipia, i gat bilip ol bai painim moa gas we kantri i ken kamapim komesel maket na salim gas.

"Gavman bai lukim moa long 15 pesen gas risev long nupela oil na gas projek we em i ken salim gas long lokal maket.

"Dispela em gavman i no laik long mekim."

Sir Mekere i tok DMO gas komitmen long Gas Agrimen i wanpela tingting i go long 5 pesen na bikos i no gat gutpela agrimen, i gat bilip PNG bai i no inap long kisim DMO.

Em i tok ol toktok bilong DMO i stap long wok bilong Kumul Petroleum long em i mas stretim mani ripot bilong em we i pas long projek.

Moa rifom mas kamap long strongim wok bisnis, APEC opis tok

MOA senis i mas kamap long ol polisi long strongim wok bisnis long wan wan ol ikonomi long rijon, Opis bilong Esia Pasifik Ikonmik Kopresen (APEC) i tok.

Em i tok dispela ol senis i mas go wantaim ol senis i kamap long teknoloji.

Em i mekim dispela tok long taim ol APEC kibung i wok long kamap long Santiago, biktaun bilong kantri Chile long Saut Amerika.

Opis i tok i gat luksave olsem gro bilong bisnis long 2019 bai strong.

Em i tok mak bilong bisnis nau i gro i stap long

3.8 pesen bihain long em i pundaun liklik i kam daun long 4.1 pesen we em i bin gro bipo.

Opis i tok planti ol salens bilong strongim wok bisnis i stap long ol kros pait namel long wan wan ol ikonomi olsem kros pait i stap namel long Amerika na Saina long

dispela taim.

Long 2020, i gat bilip olsem gro bilong bisnis long APEC rijon bai stap long mak bilong 3.5 i go long 3.7 pesen.

Ol polisi we i karamapim olgeta hap bilong wok bisnis i ken strongim wok bisnis long rijon.

Long taim laik bilong yusim ol samting i go antap, "I gat planti wok i stap yet long kamapim long inapim laik," Dokta Denis Hew, Dairekta bilong PSU, we i givim edvais long 21 ikonomi long rijon i tok.

Em i tok kamap bilong planti polisi i ken strongim

lukluk bilong wok bisnis.

Em i tok wanpela polisi we ol ikonomi i ken lukluk em long kamapim ol strakserel rifom long lukim manmeri i ken isi long baim ol samting.

Em i tok dispela i no inap long kamapim hevi bilong sas bilong ol samting.

"Ol i mas sevim mani long yusim long ol samting olsem skul fi, marasin o long sampela gutpela samting ol i plen long kamapim long bihain taim," Dokta Hew i tok.

Em i tok ol arapela rot bilong wok bisnis i stap long dijital ikonomi na sevis sekta.

APEC kibung i gutpela bilong bisnis

KIBUNG bilong ol Esia Pasifik Ikonmik Kopresen (APEC) long Esia Pasifik rijon i gutpela long strongim wok bisnis, wanpela opisa i tok.

Dokta Rebecca Sta Maria, Eksekutiv Dairekta bilong APEC Sekretariat, husat i stap longpela taim wantaim

ogenaiesen, i tok kamap bilong dispela ol kibung i givim gutpela sapot.

Em i tok APEC i wanpela gutpela ogenaiesen em ol kantri long rijon i kamapim we i ken helpim long ol ikonomi.

Em i tok kamap bilong dispela ol kibung i strongim wok bisnis namel long taim i gat hevi bilong mani we nau i stap long wol.

"Long taim ol kantri i bung na tok long painim

hevi, ol mak i soim tred sistem i wok long kamap gut," Dokta Maria i tok.

"Taim ol i stop long tokstrongim wok bisnis, wanpela opisa i tok."

Long 17 Me, bai gat kibung bilong tupela APEC Minista Responsibel long Tred long kantri Chile, Saut Amerika.

Dispela kibung em Roberto Amupuero, Chile Minista bilong Foren Afeas bai go pas long en.

Arere long dispela bai gat ol kibung bilong multiletrel treding sistem bai kamap.

Kamap na stap insait long dispela ol kibung tu em Wol Tred Ogenaisesen husat bai join na stap insait long dispela ol kibung long Vina del Mar, Chile.

"Mipela i yangpela ogenaiesen," Sta Maria i tok.

APEC grup nau i gat 30 krismas bihain long em i stat long 1989 long Australia taim bipo Praim Minista bilong Australia, Bob Hawk i statim.

Em i tok APEC i kamap gut bikos i no gat planti lo i banisim em long ol toktok na wok em i mekim.

Chile i soim rot pinis long dispela yia taim em i kamapim ol toktok bilong strongim dijital ikonomi na tred.

Planti ol toktok ol i mekim em long liklik i go long namel sais bisnis (SME).

Em i tok no gat wanpela man bai lus o stap bihain long ol senis we i kamap long wol bikos long senis long teknoloji.

PNG Bisnis Nius kisim ples bilong SKS Pablis kampani



Mep i soim we ol bikpela risos projek i stap long en. Poto: PNG Bisnis Nius

PWM askim sapot long holim Karamui So

Benorah C. Hesehing i raitim

PARTNERS With Melanesia (PWM) grup i go pas long Karamui kalsa na egrikalsa so, i mekim wanpela singaut i go long ol bisnis grup long Simbu na Goroka na ol arapela bikpela ogenaiesen long kantri long sapotim Karamui So long Simbu. Dispela So bai kamap long Novemba.

Eksekutiv Dairekta bilong PWM, Ken Mondiai, i tok dispela so em taim olgeta komyuniti we i gat kain kain tok ples i save kam bung na soim ol kalsa na kaikai ol i save kisim long wok egrikalsa.

Em i taim PWM i save tokim ol tu long lukautim envariomen long gutpela bilong ol pikinini bihain taim bai ol i no ken givim nating graun bilong ol long ol developmen we bai bagarapim bihain taim bilong ol.

Em i tok Karamui i gat planti gutpela risos na gavman i kisim ol dispela risos na yusim long gutpela bilong kantri. Taso, ol papagraun i mas kla gut long ol bagarap inap kamap, skeletim gut tok bilong gavman long developmen na mekim gutpela sois ol papagraun na kantri i ken amamas wantaim long ol gutpela i kamap long dispela wok.

Wok bilong PWM em long givim skul na stia toktok bilong lukautim envariomen. Ol i gat ol plen long lukautim ol enimal na diwai, pis long solwara na ol samting we i wok long pinis. Wok bilong ol long dispela yia, em long lukluk long stretim Inaina Wildlife long Sentral provins, Collingwood Bay namel long Oro na Milen Be provins, we ol bai lukautim ol pis long solwara na bus na enimal. Ol bai wok wantaim Managlas long Oro na Karamui long

Simbu tu. Apsait long dispela plen, ol bai holim bung bilong kisim tingting bilong ol manmeri long ol komyuniti ol i laik banisim hap graun na lukautim envariomen pastaim long ol i go het wantaim dispela ol projek.

Mista Mondiai i tok i gat planti salens i stap long ol dispela eria ol i laik wok wantaim long lukautim envariomen. Samplea bilong ol dispela salens, em i no gat gutpela gavman sevis olsem rot, bris na ol arapela sevis long helpim ol long kamapim wok hariap long lukautim ol dispela eria.

PWM i wok long sapotim ol menesmen bilong ol dispela eria long painim ol intenesel dona ejensi. PWM i kisim UNDP na Global Green Grant Fund long sapotim ol Managlas projek eria long Oro na bai mekim wankain long ol arapela projek.

NUPELA bisnis pablis kampani, PNG Bisnis Nius nau i kisim ples bilong SKS Publishing kampani long ripot long ol bikpela projek long kantri.

SKS Publishing em Kevin Smith long Australia i save ranim stat long 2004 i kam we i gat stori bilong ol wok bilong maining na petroleum na mep bilong ol projek i stap long en.

Dispela buk i givim sans tu long ol kampani

we i save edvetais long tokaut long wok na prodak bilong ol.

Long taim em i tokaut long senis i kamap long ripot bilong dispela ol wok, PNG Bisnis Nius i tok ol i laik givim sans long ol arapela kampani tu long edvetais.

Em i tok bai gat bikpela so long prodak bilong ol taim 2019 PNG Industriel na Maining Konpresen na Eksebisen i kamap long Jun.

Ol ogenaia i tok distripela so bai bungim olgeta bikpela kampani we ol bai tokaut long tingting na plen bilong ol long wok bisnis.

Ol i bilip so bai pulim moa long 100 lokal, nesenel na intenesenel manufeksera na saplaia wantaim ol senis ol i kamapim long givim sevis i go long ol kastoma.

Em i tok dispela ol lain bai kisim fri mep na ol kampani em:

- Eksekutiv bilong Industriel, Maining na Oil na Gas kampani;
- Eksploresen speselis;
- Jiolojis na metaluris;
- Gavman polisi meka na reguleta;
- Investa na fainensia;
- Saplaia na sevis providaia;
- Industri analisis, ikonomis na konsaltent;
- Ligal na fainensel konsaltent; na
- Bisnis developmen speselis.

Kokoda Trek i redi long ol treka i ken wokabout

OL WOK stretim bilong biknem turis rot, Kokoda Trek nau i redi pinis na olsem ol turis i ken wokabout gen long dispela rot.

Kokoda Trek Atoriti i stretim ol bris na ol hap we i bagarap bikos long diwai i bruk na pasim rot wantaim tait wara i rausim ol diwai bris long rot.

Kokoda Trek i no wanpela haiwe o rot we ol kar i save ran go kam tasol

em I bus rot we ol manmeri na ol turis i wokabout long en bihainim rot em ami bilong Australia wantaim sapot tim bilong Papua Niugini i yusim long pait egensim birua ami, Japan long Wol Woa II.

Olgeta yia ol turis i save wokabout long dispela rot.

Long stat bilong dispela yia, tait wara i brukim ol bris na strongpela win i

brukim ol diwai na pasim rot we ol manmeri i no inap wokabout gut.

Taim bilong ren tu i pinis na drai sisen bai stat gen.

Dispela i gutpela taim bilong ol manmeri i ken go het gen long wokabout long rot.

I gat inap olsem 91 komyuniti i stap long dispela trek.

Atoriti i ting inap olsem 3500 ol treka bai wok-

about gen long rot long dispela yia.

"Bikos long gutpela sapot long ol patna bilong mipela, mipela i lukim wok i kamap gut na olsem rot i op long ol manmeri i wokabout gen," Julius Wargirai, Kokoda Trek Atoriti (KTA) Sif Eksekutiv opisa i tok.

"Bikpela wok stretim i kamap long Agulogo bris em tait wara i rausim bris."

KIK statim baio-sekyuriti plen bilong kokonas industri

LONG PNG, diwai kokonas em i "diwai bilong laip". Ol kokonas prodak na wel bilong kokonas em tupela bikpela egrikalsa eksport komoditi, na tu em i kaikai bilong ol pipel bilong ples long nambis.

Long 2007, ol saintis i bin painim olsem wanpela nupela sik bilong ol

kokonas, ol i kolim Bogia Coconut Syndrome (BCS), i wok long bagarapim ol diwai kokonas long hap bilong Bogia long Madang provins. Dispela sik i kalap i go long ol kokonas long Not Kos Madang na bagarapim ol kokonas long hap na i go tu long sampela arapel provins pinis.

Kokonut Industri Kor-

poresen (KIK) em gavman i kamapim long go pas long risets, developmen na maket bilong kokonas industri long kantri. Dispela hevi BCS i kampim i mekim KIK i wok bung wantaim Centre for Agriculture and Bioscience International (CABI) long developim wanpela Baiosekyuriti Plen bilong kokonas in-

dastri long putim was na stopim o sloim daun ol kain kain binatang o sik nogut long bagarapim kokonas industri. Wanpela bilong ol dispela em nupela binatang i kam long Gunam ol i kolim Guam Biotype Coconut Rhinoceros Beetle (CRB-Guam).

Ol i bin painim dispela CRB-Guam long Guam

long 2007 na dispela binatang i wok long bagarapim ol kokonas na welpam diwai long Guam na long Solomon Ailan na Palau.

Long 2014, ol i bin painim dispela binatang long Sentral provins long PNG.

Dispela binatang em i strong tumas na vairas ol i putim long kontolim

CRB populesen long kantri i no wok. Tude ol i no painim yet wanpela rot bilong stopim dispela binatang i kalap i go long ol arapela provins we i gat bikpela kokonas bisnis.

Woksop bilong "Bio-security Plan for the PNG Coconut Industry" i bin kamap long Madang long 13-15 Mas. Ol i bin askim Nesanel Egrikalsa Risets

Institut (NARI) long stap long dispela woksop na Dr Ramakrishna Akkinapally na Dr Birte Komolung i bin makim NARI.

Ol arapela lain husa i bin stap insait long dispela woksop tu em NAQIA, Madang Provincial Gavman, PNG Customs, NARI na Cocoa Board.

Komyuniti laikim nupela maket haus

James G. Kila i raitim

WANPELA komyuniti lida na deputi siaman bilong Inlen Paiplain Lenona Asosiesen (LOA) long Ramu NiCo Projek, John Kotty i askim lokal Memba bilong Usino-Bundi, Jimmy Uguro long em i mas kamapim nupela na strongpela haus long Miraine maket.

Em i tok dispela maket i biknem maket long Madang Ramu Haiwe em ol pasindia i ran i go kam long haiwe na go long Lae na Hailans i save stop na baim ol gutpela samting long liklik prais tasol.

Em i tok maket i save givim gutpela sevis long pablik na olsem Memba i mas givim luksave long maket.

Em i mekim dispela tok bihain long olpela haus we ol i mekim long ol samting bilong bus i bruk pundaun na klostu i bagarapim ol meri i sindaun salim gaden kaikai bilong ol.

Dispela i kamap bihain long bikpela ren, win na guria i kamap long dispela hap.

Graun long sampela hap i bruk tu na bagarapim haiwe long ol kar i ran gut.

Nau yet ol mama i pret na i sindaun long

bikpela san na salim kaikai bilong ol.

Mista Kotty i askim tu ol lokal pipel long wok bung wantaim na lukautim maket.

Em i tok i no gat planti ol ikonmik wok i kamap long hap bilong ol na maket wanpela tasol i lukim ol manmeri i save kamap na salim ol samting long mekim mani.

Wanpela spesel samting long dispela maket em ol mama i save kukim ol bikpela taro kongkong long paia na salim long maket we ol manmeri husat i ran long haiwe i baim long K1 o 50 toea tasol.



Poto i soim het bilong rot-sait maket haus long Miraine i bruk pundaun na klostu bagarapim ol mama i mekim maket aninit long em. Poto: James G. Kila

Lokal kopretiv strongim kakao bisnis

WOK bung namel long PNG na gavman bilong Australia i helpim wanpela lokal kopretiv long Nawaeb distrik long Morobe provins long kamapim strong kakao bisnis long dispela hap.

Ol i bin opim Situm-Gobari (SiGi) Kako Kopretiv neseri long Me 1 na Praim Minista Peter O'Neill wantaim Sam Basil Minista bilong Fainens, Koni Igun Minista bilong Komyunikesen, Kennedy Wenge

Memba bilong Nawaeb, Andrew Egan, Minista Kaunsila long Australia Hai Komisn na Paul Murphy,

Australia Konsul Jeneral long Lae, i bin stap long dispela bung.

PNG-Australia Gavanens Patnasip i sapotim dispela program we SiGi Kopretivi bin kisim 25,000 sidling long 2018 long givim ol pipel long dispela eria long kirapim gen kakao bisnis na strongim sindaun bilong ol long bisnis. Kakao pod bora i bin bagarapim ol diwai kakao lng dispela eria lng 2017.

PNG Nesanel Egrikalsa Risets Institut (NARI) long Is Nu Briten i bin ggivim ol dispela kakao sidling long nupela neseri.



Lokal kopretiv i kamapim kakao bisnis. SiGi Kako Kopretiv deputi siameri, Margaret Storr (Lephan) na narapela memba Nancy, i givim wara long ol nupela kakao long neseri. SiGi Kakao Kopretiv i bin kisim 25,000 kakao sidling long 2018 long kirapim tingting bilong ol manmeri long kirapim gen kakao bisnis long eria bilong ol

pretiv em ol namba tri na foa jeneresen bilong ol setla husat i gat ol blok long graun long Situm-Gobari eria.

Namba tu siaman bbilong SiGi Kopretiv, Margaret Storr i tok dispela kakao neseri i kirapim tingting bilong ol memba long stap long komyuniti bilong ol na wokmani na i no tingting long go painim wok long

Mosbi.

"Mi save driman long yusim graun bilong mi tasol mi givap long taim mi lukim olsem i no gat nupela samting i kamap hia long komyuniti. Mi no lusim komyuniti long taim mipela i stapim dispela kakao neseri projek na nau mi redi long kamapim gutpela sindaun bilong bihain taim wantaim

pikinini man bilong mi. Em i gat 18 krismas na i save helpim mi long wok long neseri long taim mi nidim em," Misis Storr i tok.

"Mi tok tenkyu tu long ol patna long helpim liklik komyuniti olsem bilong mipela na nau mipela i ken kamapim ol senis na painim rot bilong bringim ikonmik developmen long ol pipel bilong mipela."

Al Simbi husat i siaman bilong SiGi Kopretiv i tok dispela wokbung bilong ol memba bilong komyuniti i kirapim gen bisnis long eria na i givim sans long ol pipel tu long tokaut long ol hevi na kamapim developmen long komyuniti bilong ol.

"Mipela i lukim long strong bilong ol pipel long wanem kain gutpela samting ol inap kamapim long taim ol i wok wantaim long neseri na ol man na meri i wokbung long ol wok insait long komyuniti," Mista Simbi i tok.

Mista Egan bilong Australia Hai Komisn i tok Australia i mekim komitmen long helpim lokal ikonmik na komyuniti developmen long ol provins, distrik na long ol rural eria olsem Situm-Gobari.

Dispela Situm-Gobari kakao neseri projek em Australia i helpim long Papua Niugini i kamapim ol kain wok olsem long kamapim gut ol sevis na givim sans long ol komyuniti long provins na distrik long painim mani.

Nawaeb i wanpela bilong ol sikispela distrik aninit long PNG-Australia Gavanens Patnasip. Ol arapela em Mul-Bayer-Lumusu long Westen Hailans, Talasea long Wes Nu Briten, Nuku long Sandaun, Sohe long Noten na Manus.

Kopi simposium bai kamap long Mosbi

Bikpela kibung bilong kopi bai kamap long Pot Mobe long 22 na 23 Me. Dispela bikpela bung o simposium bai bringim ol saveman bilong kopi bisnis, ol kopi fama, ol intensenel kopi bisnis na ol saintis wantaim i kam bung na paitim toktok long strongim kopi bisnis insait long Papua Niugini.

PNG i luksave olsem i gat bikpela senis i kamap long kopi bisnis long wol olsem na PNG tu i mas senis na mekim ol nupela wok bilong strongim dispela industri.

Bai i gat ol toktok kamap long intensenel kopi tred, polisi bilong gavman, teknoloji, ol kopi sempion na bai i gat wanpela ekso tu we ol kopi bisnis bai soim ol prodak bilong ol long ol pablik.



Ramu NiCo Projek Helpim Go Yet Long Sios

SAMPELA ol Kristen sios insait long Inlen Paiplain eria bilong Ramu NiCo Projek long Madang i bin kisim gut-pela presen bipo long Ista.

Dispela ol presen em ol bilding material i kam long lenona asosesin bilong ol em Inlen Paiplain (Maigari) Lenona Asosesin.

Dispela ol bilding material em Inlen Paiplain LOA i bin yusim wan pesen royalty mani i kam long Ramu NiCo Projek long helpim na sapotim wok bilong sios insait long impekt eria.

Ramu NiCo Projek i bin baim namba wan royalty peimen bilong en long mun Julai long las yia 2018. Insait long dispela namba wan peimen ol i luksave long givim wan pesen helpim i go long ol sios na wimen insait long projek eria.

Long Trinde em Holi Trinde, tupela eksekutiv bilong Inlen Paiplain LOA, em deputi siaman yet John Kotty wantaim tresera bilong LOA, Mikoni Weipa i bin ran long bikpela trak na stat givim kapa i go long ol sios we ol i givim nem long kisim helpim. Dispela i bin stat long Naru na ol i go antap olsem long Ono na go long Kawawar maket eria.

Mista Kotty i tok LOA i bin helpim long olgeta lain Kristen sios long Inlen Paiplain eria husat i gat nid na i bin givim nem long kisim helpim.

Dispela pasin na helpim bilong royalty peimen long helpim Sios em wanpela bikpela luksave Ramu NiCo Projek aninit long menesmen bilong divelopa Ramu NiCo Menesmen (MCC) Limited wantaim ol stekholda i bin kamapim. Nogat ol arapela maining o risos projek long PNG i bin mekim wankain pasin olsem.

Mista Kotty i tok ol i givim aut bilding material olsem ol kapa, ain post, ol rids kep, ol simen brik na tu ol arapela samting.

Em i tok ol samting LOA i baim long hadwea stua long Madang em i bihainim nid bilong ol sios na askim ol i givim.

Mista Kotty i tok long namba wan royalty peimen helpim em ol i givim helpim long 30pela sios o kongrigesen na dispela i karamapim Luteran Sios, Katolik Sios, Seven De Adventis (SDA), Nazarene Sios, Saut Si Evanjelikol Sios (SSEC) na ol arapela tu i stap long komyuniti.

Em i tok long neks royalty peimen i kam em moa helpim bilong Ramu NiCo Projek bai go gen long helpim wok bilong sios, olsem na ol arapela husat i no kisim helpim mas noken tingting planti o wari. Taim bilong yupela long kisim helpim bai kam yet.

Long namba wan hap bilong mekim distribusen long las tupela wik i go pinis, Ramu NiCo (MCC) i bin salim ol opisa bilong en long go skelim wok. Komyuniti Afes (CA) Menesa, Albert Tobe wantaim PR Opisa, James Kila i bin go wantaim Inlen Paiplain LOA tim long givim ol bilding materials stat long Naru i go long Kawawar maket we ol i stop long Nuku hauslain na givim ol bilding materials bilong Uria Foa Skwea Sios.

Deputi LOA siamen bilong Inlen Paiplain, John Kotty i helpim long rausim ol bilding material bilong Uria Foa Skwea Sios




LOA lain bringim pos bilong wokim nupela haus bilong pastor long Ono Nazarin Sios



Helpim i go long Naru Luteran Sios



Tupela Sios hetman em Elda Yori Asin wantaim Pastor Tommy Kavaipa i amamas long LOA i bringim simen brik i go long Ono Nazarin Sios





Latrell Mitchell i skoim trai bilong ol Roosters.

Latrell Mitchell i pilai gut tru

Sta pilaia bilong ol Roosters, Latrell Mitchell i win gen.

Bihain tasol long em i helpim tim bilong em long winim Melbourne Storm, dispela pilaia husat i gat 21 krismas i bin helpim gut tru ol Roosters long autim West Tigers, 42-12.

Dispela stail manki husat i bin gat sampela hevi wantaim olpela menses bilong em i lusim ting long dispela long taim em i pilai gut na skoim tripela trai.

Olgeta lain husat i lukim Mitchell i putim ol dispela trai i bin maus op na i no gat toktok.

"Mipela i lukim Latrell Mitchell i kamapim wanpela stail pilai yet."

"Em i kikim bal i go na i no longtaim i kamap long Moses Mbye, em i tok stret."

Dispela stail futbol bilong Mitchel i mekim em i luk olsem wanpela man i save moa long futbol na i mekim sta bilong ol Tigers, Moses Mbye i luk olsem wanpela nupela manki i lain long pilai futbol.

"Em i wok long pilai wantaim Moses Mbye. Em i ken mekim wanem samting em i laikim wantaim futbol. Dispela manki em i wanpela top pilaia tru."

Luke Lewis i bin amamas tru.

Bipo pilaia bilong Penrith na Cronulla primiaip pilaia i givim bikpela luksave tru long Mitchell long taim em i tok olsem Mitchell em i olsem Mal Meninga.

"Em i wanpela Mal Meninga - yumi no inap bilip," Lewis i tokim Fox Footy.

Tasol Michael Ennis i no wanbel long dispela kain toktok. Em i tok Mitchell i gat rait long toktok long nem bilong em yet.

"Ol dispela yangpela pilaia i no tingting long nem bilong Greg Inglis o Mal Meninga, ol i tok long tingting mi laik kamap olsem Latrell Mitchell," Ennis i tok.

Ol Roosters i bin go pas 18-6 inap long hap taim bikos long ol trai bilong Mitchell, Keary na Daniel Tupou. Tasol long namba tu hap Mitchell i bin winim dispela gem long tim bilong em.

Robbie Farah i bringim skoa i go long 18-12 long namba tu hap long taim dispela sevis pilaia bilong Tigers i skoim trai long dami hap.

Em tasol ol trai bilong

Tigers bikos bihain long dispela, Mitchell tasol i karim bal i go na winim gem

bilong ol roosters. Mitchell i bin skoim 26 bilong 42 poin bilong ol Roosters.

"Mi wet tasol long lukim em i kamap wanpela gutpela pilaia long taim em i wok long pilai olsem.

Keary tu i bin mekim bikpela tok amamas long Mitchell.

"Dispela i wanpela top gem stret mi bin lukim em i pilai. Em i putim tripela trai na mekim planti diffensiv pilai," Keary i tok.

Mitchell i bin tok, "Mi no gat toktok." Long taim ol ripota i askim em long ol tokwin i kamap olsem em bai lusim ol Roosters. Em i tok bai em i pilai gut moa yet.

Sans bilong Maloney long Origin i no luk gut tumas

Sans bilong James Maloney long pilai long Origin long tim bilong NSW i no luk gut tumas biain long em i kisim tupela suspensen.

Dispela faiv-eit bilong Penrith i bin kisim tupela sas long Sarere long taim tim bilong em i bin lus long ol Raiders. Maloney i kisim sas long pasin em i mekim long John Bateman a long 54 minit, em i bin mekim wanpela karangki pasin tu long Josh Hodgson.

Maloney pilim presa bilong pilai long NSW faiv-eit poisen bihain long Panthers i winim tasol tupela gem bilong ol long ol 6-pela gem ol i pilai pinis.

Ol dispela tupela sas bilong Maloney, i ken lukim ol i saspensim em long wanpela gem. Olsem na sapos em i gat tupela sas, bai em i no inap pilai long tupela gem.

Maloney i ken kisim suspensen long wanpela gem tasol sapos em i tok i tru olsem em i mekim asua.

Long ol arapela nius. Liam Martin bilong Penrith i kisim suspensen long wanpela wik long pasin bilong tromoi bal krangki.

Ben Matulino tu i kisim sas tasol em i ken abrusim suspensen sapos em i tok olsem em i mekim disela asua.



James Maloney bai inap long kisim suspensen long tupela gem.

Broncos i tingting planti long Darius Boyd

Ol Broncos i wok long paul nau long wanem samting ol bai mekim long Darius Boyd bikos i kam inap nau em i no pilai gut. Tasol husat bai kisim hevi long dispela bikpela kontrak bilong kepten bilong ol.

Monday Bunker i bin sutim tok long olpela kosa Wayne Bennet long slek pilai bilong Boyd na long ol Bronco i wok long lus long gem bilong ol.

"Mi skelim em wantaim Tom Trbojevic wantaim James Tedesco, tasol em i no wankain olsem ol. Boyd i gat 32 krismas na i gat tripela yia moa long kontrak bilong em.

"Wayne Bennet i mekim gut nau long tim bilong ol Rabbitohs, tasol mi bin ggo bek na skelim kondisen bilong ol klap em i bin lusim.

"Wanpela yia bihain long em i lusim St George, ol i no bin go insait long fainals. Dispela yia em i lusim ol Knights, na ol i winim tripela wud-spun.

Wanpela yia bihain long em i lusim ol Bronco, ol i winim 2-pela long ol 8-pela gem na em i no lusim ol long gutpela wei."

Peter Gleeson bilong Courier Mail niuspepa i tok em i wanbel na tok posisen bilong Boyd olsem lida bilong tim i no helpim ol.

"Long samting olsem 18 mun em i bin stap olsem man nating. Mi bin glasim em long wankain taim las yia na mi lukim olsem sampela samting i no stret," Gleeson i tok.

"Tasol em i kisim \$800,000 long wan yia long kontrak bilong em, na ol Broncos i gat bikpela



Boyd bai pinisim kontrak bilong em o nogat? Foto Cameron Spencer/Getty Images.

la hevi nau. Na yumi no ken lusim ting olsem em i kepten bilong tim olsem na sapos em i mekim wanpela bikpela asua long fil, bai i hat long em i kisim sapot bilong ol arapela pilaia.

"Narapela samting tu em Wayne Bennet i bin supavaisim em long taim

em i stat long pilai.

"Long olgeta pilai, Boyd em i wanpela pilaia husat i paul nabaut bihain long Wayne i lusim ol Broncos. Na nau Seibold i kisim dispela sik tu. Ol i no gat baksait bun long kompetisen nau."

Dan Ginnane bilong Triple M tu i wanbel long

dispela tok tasol em i tok olsem bod bilong Broncos tu i mas karim sampela bilong dispela hevi bikos bikpela kontrak bilong Boyd bai pinis long 2021.

"Mipela i save olsem wanem samting Wayne i laikim bai em i kisim, tasol ol Broncos i no gat

strong long salensim em long sainim dispela pilaia long wanpela longpela kontrak.

Ol kain kain tokwin tu i kamap long bihain taim bilong James Roberts na Rotherfield i tok olsem dispela sta senta bai muv i go long South Sydney.



Grup Foto bilong ol Pot Mosbi Rot Ranas

Pot Mosbi Rot Ranas

Dispela 2019 Pot Mosbi Rot Rana Endurens Salens resis em i bikpela resisi we namba 2 resisbung i bin kamap bihain long ol narapela resis long Lego Len, Konedobu, long las wik Sande moning.

Rana husat i nambawan feiva-ret long dispela resis em i Skene Kiage, tasol em i no bin kamap na dispela i opim rot long Stanley John long ran na kamap wina long 12.5 kilomita resis insait long 53 minit na 25 seken.

Will Robinson i bin stap strong long tupela lep bilong resis tasol long namba tri lep em i no inap long abrusim John Stanley, na stap arere long kamap seken plesin insait long 59 minit na 43 seken long James Gurumi husat i ran strong tru i kam bihain long kamap namba tri plesin insait long 60 minit na 05 seken.

Swans Pinampio i ran olsem sempion tru wantaim strong long kamap na kisim namba foa plesin long Thomas Kelly insait long 64 minit 10 seken. Swans Pinampio em i bin kamap namba faiv long raun wan resis bilong Endurens Salens we i bin kamap long Golp Klap 11 kilomita resis bung na dispela i mekim em i kamap lida nau

insait long 5 pela raun resis wantaim 165 poin.

Dispela Salens i gat poin long kisim long resis taim rana i kamap wina long wan wan raun bai kisim 100 poin, seken plesin i 90 poin, ted plesin 85 poin, na fot plesin 80 poin. Bihain long dispela ol rana i kam bihain ol bai tekewe tupela poin aninit long plesin bihain na dispela pasin bai kamapim inap rana i kisim 20 poin. Bihain olgeta rana husat i pinisim resis bai kisim 20 poin olgeta wantaim.

Fifti rana i bin kamap long Sande long ran long dispela Endurens Salens na ol i bin stap amamas wantaim long hap pas faiv long bik moning we ol klaut i pasim wei bilong san kamap.

Falyn Buda i bin kamap wina namel long ol meri husat i bin kisim naintin plesin insait long 82 minit na 17 seken long Deidre Deworiz, husat em i birua bilong em long raun wan bilong resis. Deidre Deworiz i bin kamap bihain insait 84 minit na 24 seken long kisim 22 plesin.

Terry Fisher husat i no bin stap wantaim ol sampela rana namel long ol lain lapun rana (60 – 69 krismas) i kamapim strongpela ran

tru long soim gutpela pasin insait long 86 minit na 16 seken.

Ol kol wara na loli wara i daunim bel hevi bilong ol rana long taim bilong pinis long resis. Dispela resis i bin kamap long ples we i gat strongpela hap wantaim maunten na ol kar long abrusim.

Twenti prais olgeta ol i bin dro long dispela taim bihain long resis we Red Kros stua insait long Padinton, Sydney, Australia i bin givim na dispela i kamapim bikpela amamas.

Raun tri bilong Salens bai kamap long Sande moning long Me 26, long Yunivesiti bilong Papua Niugini. Resis long ol Sarere apinun long 5 klok bai stap. Dispela wik Sarere ol rana bai go bek long Bishop Bradas Kona long Hohola, nambawan taim insait long 12 mun. Bihain em bai kamap long Jeksens Eapot long 7 Mail long Me 18 na Solomons Hai Komisn long Me 25, apinun taim bilong Salens.

Rot Ran em i pasin long ekseesai na stap helti long bodi. Ol lain bilong wokabaut i welkam. No gat manmeri i isi o strong. Kamapim gutpela resis pasin i stap wantaim na olgeta i welkam. Pe i 20 toea tasol.

Kagua Erave FC redi long bungim Morobe Yunaited long NSL semi fainel

James G. Kila i raitim

Madang las wiken.

bilong wanpela poroman bilong ol na NSL golkipa bilong Laiwaden FC leit Mikes Gewa.

“Bihain long olgeta bois i kambek long Madang bai mipela i redim gut gem straksa na kisim fil egen-sim Morobe Yunaited,

“Mipela i save olsem ol i gat ol strongpela pilaia na tu gutpela stail bilong pilai, tasol mipela i gat ol marasin bilong Hailans I stap long givim gutpela salens long ol taim mipela I bung long NSI,” Romo I tok.

Romo i tok i tok gem bai kamap long Nesanel Spots Institiut (NSI) oval long Goroka na em i askim ol sapota bilong Sauten Hailans husat i stap long lsten Hailans long go na sapatim dispela top tim bilong Hailans Konferens i salens wantaim ol mangi Morobe bilong nambis.

SOKA tim i go pas long Petroleum Nesanel Soka Lig (NSL) Hailans Konferens, Kagua-Erave Futbol Klap (FC) bilong Sauten Hailans i redi tasol long bungim salens bilong Morobe Yunaited FC taim tupela tim i bung long namba semi fainel bilong NSL dispela wiken long Goroka.

Kagua Erave FC i go pas tru long lada bilong NSL Hailans Konferens na namba tu em Blu Kumuls bilong Mt Hagen.

Dispela salens i kamap bihain long kros-ova fainel we i lukim top tim bilong Hailans Konferens i bungim seken tim bilong Noten Konferens i pilai.

Het Kosa bilong Kagua-Erave FC, Amos Romo i bin toktok wantaim Wantok Niuspepa long

Romo i tokaut olsem lain-ap bilong Kagua-Erave bai wankain olsem dispela sait we i bin daunens im Blu Kumuls long fainel bilong Hailans Konferens tupela wiken i go pinis.

Em i tokaut olsem long beklain bai lukim Sangarap Samol, Quinten Simea, Awan Pominis na Albert Aldo i sanap strong na lukautim eria. Gol-kipa bai lukim Lean Manasseh banisim net.

Romo i tok long mid-fil em tupela stail mangi bilong Madang yet em Jonnel Kambual wantaim Hanson ‘Cripple’ Topio bai kontrolim na redim ol sans long skorim gol long tupela straika em Jordan Kaven na Papalau Awele.

Em i tokaut olsem planti ol pilaia bilong Kagua-Erave i bin go long Madang bihain long dai

Pot Mosbi Ragbi Lig dro bilong dispela wiken

Fraide 10th Mei, 2019

NO	TIME	GRADE	CLUB	VS	CLUB	T/LOAD
1	1:30 pm	WRL	Hawks	VS	Difense	40 minit
2	1:50 pm	WRL	Kone Storms	VS	Sisters	40 minit
3	2:20 pm	U/20	Magani	VS	Butterflies	40 minit
4	3:20 pm	WRL	Magani	VS	Butterflies	40 minit
5	4:20 pm	A	Magani	VS	Butterflies	60 minit

Sarere 11 Mei, 2019

NO	TIME	GRADE	CLUB	VS	CLUB	T/LOAD
6	8 am	U/20	West	VS	Hohola Flies	40 minit
7	9 am	U/20	Taragau	Vs	Kone Tigers	40 minit
8	10 am	U/20	Hawks	Vs	Defense	40 minit
9	11 am	WRL	West	Vs	Hohola Flies	40 minit
10	12 pm	WRL	Taragau	Vs	Kone Tigers	40 minit
11	1 pm	A	Hawks	Vs	Defense	60 minit
12	2:20 pm	A	West	VS	Hohola Flies	60 minit
13	4:40 pm	A	Taragau	Vs	Kone Tigers	60 minit

Sande 12th Mei, 2019

NO	TIME	GRADE	CLUB	VS	CLUB	T/LOAD
14	8 am	U/20	Royals	VS	Souths	40 minit
15	9 am	U/20	Paga Panthers	VS	Dobo Warriors	40 minit
16	10 am	U/20	Kone Storms	VS	Brothers	40 minit
17	11 am	WRL	Royals	VS	Souths	40 minit
18	12 pm	WRL	Paga Panthers	VS	Dobo Warriors	40 minit
19	1 pm	A	Kone Storms	VS	Brothers	60 minit
20	2:20 pm	A	Paga Panthers	VS	Dobo Warriors	60 minit
21	3:40 pm	A	Royals	VS	Souths	60 minit



Het kosa bilong Kagua Erave FC, Amos Romo i wetim ol tim bilong em long malolo gut na go insait long trening long bungim Morobe Yunaited long dispela wik Sarere. Foto: James G. Kila



PRK Mendi Muruks pilaia namba faive Dickson Pipi holim bal na traim long brukim difens bilong NCDC POM Vipers long raun faiv bilong Digicel Kap. (Foto Jacklyn Kimala)

Wigmen salensim Isou

Jacklyn Kimala i raitim

PRK Gulf Isou i bin winim Kroton Hela Wigmen long raun faiv bilong Digicel Kap las wik Sande long Pot Mosbi.

Long namba wan hap bilong resis Wigmen klostu winim Isou tasol pilaia bilong Isou Joshi Erico i bin putim namba tu trai na daunim Wigmen wantaim gutpela kik i mekim ol Isou go pas 12-10 long hap taim.

Long wankain taim ol Wigmen ting olsem ol abrusim Isou tasol nogat, Isou abrusim ol wantaim tupela poin.

Long namba tu hap bilong resis Wigmen i no bin bekim wanpela trai yet na Isou skoim gutpela trai gen wantaim gutpela kik hapim skoa 18-10.

Spiro Thomas bilong ol Wigmen bekim trai bilong Isou tasol kik bilong ol i bin abrus na mekim ol 18-14. Na bihain Benji Kot bilong Isou i gin skoim narapela trai long namba tu hap bilong gem tasol kik i no go insait na i mekim ol stap 22-14.

Dispela i no bin mekim ol Wigmen long larim ol Isou, Wimer putim narapela trai gen long namba tu hap bilong gem tasol kik i bin abrus bringim skoa 22-18.

Long las hap bilong gem tupele tim i bin strong long daunim ol yet inap Wigmen kisim bal na ran klostu long trai lain na klostu long skoim trai tasol difens bilong Isou i bin strong na daunim Wigmen wantaim 22-18 poin.

Groim Ragbi Lig Spot wantaim Mini Mod Program

Jacklyn Kimala i raitim

PAPUA Niugini Ragbi Lig (PNGRFL) na NRL i bin opim Mini Mod Program long las wik Trinde long Pot Mosbi.

Dispela Mini Mod Program em gutpela long groim ragbi lig skil insait long kantri bilong PNG bikos ragbi lig em namba wan spot bilong yumi.

Mini Mod program i bin bungim 7-pela primeri skul insait long Pot Mosbi wantaim ol tisa, papamama na ol trena bilong ol husat i save go pas long lukautim dispela gem.

Planti lain i bin kamap long lukim Mini Mod Program, we CEO Reatau Rau i bin kikim bal long opim

dispela program.

Dispela program i bin bungim ol pikinini aninit long krismas 7 i go inap 12 bikos Mini Mod em gutpela long givim gutpela save bai ol lainim pasin bilong hariim tok na bihainim rot bilong ragbi lig spot.

Ol pikinini i bin amamas long pilai wantaim tupela pilaia bilong SP Hunters na ol arapela PNGRFL meri husat i bin go pas long lukautim dispela program.

PNGRFL CEO Reatau Rau, NRL Pasifik Program Kodineta Mark Mom na bipo NRL referi Shayne Hayne i bin kamap long opim Mini Mod Program bilong ol pikinini insait long Nesanel Futbol Stedium.

Vipers autim, Muruks-22-10

Jacklyn Kimala i raitim

PRK Mendi Muruks i bin go daun long Vipers long raun faiv bilong Digicel Kap long Nesanel Futbol Stadium long Pot Mosbi.

Dispela raun faiv bilong Digicel Kap namel long PRK Mendi Muruks na NCDC Vipers i bin kamap bihain long Intras Supa Kap raun nain.

Hela Wigmen na Gulf Isou i bin gat liklik namba bilong sapota bihain em Intras Supa Kap pulim planti sapota tasol las gem Muruks na Vipers em i no planti sapota tasol nois i bin bikpela.

Muruks i bin strong long namba wan hap bilong resis tasol Vipers i bin senisim gem stail bilong ol na daunim Muruks taim Muruks

pilai long strongim difens na mekim takol.

Gem bilong tupela tim wantaim i bin strong tasol Vipers skoa moa long Muruks na ol daunim Muruks wantaim 22-10 poin.

Sapos Muruks i bin yusim sampela gem plen bilong ol na yusim bal gut em bai ol winim gem, dispela no gat ol mekim planti takol na i no bin pilai sampela stail.

Wankain pilai Vipers long raun foa bilong Digicel Kap wantaim ol Snax Tigers, ol Vipers i bin lusim strong bilong ol bihain long Tigers daunim ol wantaim moa skoa.

Long namba wan hap bilong gem Vipers skoim namba wan trai wantaim gutpela kik bringim skoa 6-0. Insait long 30 minit bi-

long namba wan hap Vipers putim narapela trai gen tasol kik abrus 10-0.

Dispela i no bin mekim Muruks siruk long Vipers, Muruks bekim wanpela trai na kik dispela i putim skoa 10-6. Tasol Vipers i no pinis ol putim narapela trai gen wantaim gutpela kik givim hap taim skoa bilong tupela tim 16-6.

Long namba tu hap bilong gem Muruks lokim ol wantaim ol strongpela takol inap klostu long 15 minit ful taim na Vipers namba 3 senta skoim senta trai wantaim gutpela kik hapim skoa 22-6.

Long wankain taim Muruks i no bisi insait long 7 minit taim klostu long fultaim na ol putim wanpela trai wantaim gutpela kik bringim skoa 22-10 ful taim.

PNGRFL na NRL-Opim Mini na Modified Gem

PAPUA Niugini i bin opim 2019 Mini na Modified gem. Mini na Modified o (Mini Mod) yusim modified ragbi lig rot na lukluk long ol pikinini aninit long 7 krismas i go inap long 12.

NRL Pasifik Program Kodineta Mark Mom i tok dispela Mini Mod konsep em bai developim ol pikinini insait long konsaltesen wantaim PNGRFL bilong groim tingting bilong ol namel long tupela grup.

"Mini Mod i bungim liklik pikinini meri na mangi insait long praimer skul long developim gutpela pasin bilong ol long sait bilong ragbi lig." Mom i tok.

Em i tok dispela gem em bilong lainim ol liklik pikinini long save long gutpela rot bilong ragbi lig na tu bihainim ol rait pasin bilong ragbi lig

kain olsem pasin bilong rispekim narapela long gem we i ken kamapim gutpela environmen bilong pilai, na tu kisim moa tingting long ol besik skil na klia moa long namba wan spot bilong yumi.

"Mipela i gat bikpela driman long groim Mini Mod antap na givim gutpela framwok wantaim PNGRFL. Dispela bai kamap bihain taim wantaim moa sapot na wok bung wantaim bai givim gutpela autkam insait long junia developmen patwe," em i tok.

Mini Mod bai traim insait long Pot Mosbi pastaim wantaim plen bilong ol bihain long go aut long ol arapela senta bihain taim.

PNGRFL CEO Reatau Rau i salensim ol papaman, bratasusa, skul

na komyuniti long stap insait long dispela program na soim sapot bilong ol," Larim mipela sapotim ol dispela yangpela pikinini long kamap sta pilaia bihain taim," em i tok." Dispela konsep bai kamap gut taim mipela ol papamama, tisa, bratasusa na ol komyuniti kisim moa taim long lainim ol," Rau i tok.

Mini Mod konsep kamapim pat bilong NRL long bung wantaim PNGRFL long mekim developmen patwi bilong ol liklik mangi na meri husat i pilai ragbi lig.

Dispela gem bai ran long eit (8) wik na bai kisim ple long Vais-Sanselas Oval, UPNG.

Rau i tok tenkyu lonh Milo na ol Yunivesiti bilong PNG long patnasip wantaim Mini Mod Program.



Ol pikinini bilong 7-pela skul insait long Nesanel Kepital Distrik i bin bung wantaim ol tisa long taim bilong opim Mini Mod Program.



Ol pikinini i bin holim ragbi bal na traim long pasim long narapela poro bilong em long NFS. (Foto Jacklyn Kimala)

ol wiken poto eksen



Beks bilong Gulf Komara i redi long rausim bal taim winga bilong Hekari i kam long stopim em. Hekari i winim gem 3-1.



Flai winga bilong Hela Wigmen i traim long rausim lek bilong em long han bilong pilaia bilong Gulf Isou long Digicel Kap pilai bilong ol long Mosbi. Isou i win 22-18.



Faivet bilong SP Hunters i rana we long takol bilong bikpela fowad bilong Black Hawks long gem bilong ol long Pot Mosbi. Black Hawks i win 24-14



Menening Dairekta bilong Air Niugini Alan Milne i givim Air Niugini Trophy i go long kepten bilong Townsville Black Hawks taim ol winim SP Hunters 24-14. Dispela kap dispela tupela tim save pilai olgeta yia long winim long makim Kokoda long taim bilong woa. Air Niugini save go pas long dispela gem.



Tim Townsville Black Hawks i amamas long namba wan taim bilong ol long winim dispela kap. SP Hunters i holim tupela yia olgeta.



Fowad bilong Mendi Muruks i traim banis bilong ol Pot Mosbi Vipers long gem bilong ol long NFS long wiken. Vipers i win 22-10.

Pine Boss & Heri Hapsens

Pine Boss sanapin haus bilong em wantaim diwai igat marasin 45 pla krismas igo pinis...



...na tudei em luk orait yet.

6 pla krismas igo pinis na Heri Hapsens sanapim haus bilong em wantaim stron diwai...



...na nao em lukluk long niupela haus.

Sapos yu laikim lon stap long pela taim, bild wantaim NiuPine. Emi pine diwai wantaim marasine ibanisim binatang na nonap bagarap. Emi bai stap oltaim oltaim.



NOKEN KAMAP OLSEM HERI HAPSENS! TAIM LONG USIM PINE.

PNGF NiuPine
 Engineered Wood Products
 BUILDING OUR FUTURE SINCE 1954

Black Hawks kisim Air Niugini Kokoda Kap

Jacklyn Kimala i raitim

SP Hunters i bin go daun long Townsville Blackhawks long raun nain bilong Digicel Kap long Nesanel Futbal Stadium long Pot Mosbi.

Long dispela raun i bin gat Air Niugini Kokoda Kap resis tu tasol ol Hunters i bin wari long lukim olsem Blackhawks i bin flai bek wantaim Air Niugini Kokoda kap long namba wan taim.

Hunters i bin resis strong long holim bek Air Niugini Kap tasol sampela bagarap bilong gem i bin givim sans long ol Blackhawks long daunim ol wantaim 24-14 poin.

Bihainim tripela lus bilong Hunters long hom gem, ol i bin givim Air Niugini Kap long ol Blackhawks long kisim go daun na traun gen long narapela yia.

Dispela Air Niugini Kokoda Kap em tingting bilong PNGRFL na Air Niugini long tingting dairek Flait long Townville i kam long Pot Mosbi.

Air Niugini Kokoda Kap i save kamap long olgeta yia na dispela em namba wan taim bilong ol Mendi Blackhawks long kisim Air Niugini Kap i go daun long Townsville na difendim long narapela yia.

Mendi Blackhawks i bin flai bek wantaim bikipela amamas taim ol Hunters i bin wari long lusim Kap bihain long ol i holim Air Niugini Kap tripela yia.



Ol Ea Hostes bilong Air Niugini wantaim kepten Bernice Wattinga (lephan) na Pondrilei Posanau (raitihan) i bin holim Air Niugini Kokoda Kap long han na redi long go givim long Townsville Blackhawks bihain long ol i bin daunim SP Hunters 24-14 poin. (Poto Nicky Bernard)

Latrell Mitchell i pilai gut tru

Pes 24

Kagua Erave FC redi long bungim Morobe Yunaited long NSL semi fainel

Pes 25

Vipers autim, Muruks-22-10

Pes 26

Coca-Cola
 TASTE THE FEELING™
 Together tastes better

CocaColaPNG